



禮記章句卷三十一

船山遺書卷三十一

六補圖

朱子章句



衡陽王夫之衍

中庸

衍

中庸大學自程子擇之禮記之中以爲聖學傳心入

德之要典迄於今學宮之教取士之科與言道者之所宗雖有曲學邪說莫能違也則其爲萬世不易之常道允矣乃中庸之義自朱子之時已病夫程門諸子之背其師說而淫於佛老蓋此書之旨言性言天言隱皆上達之蘊奧學者非躬行而心得之則固不知其指歸之所在而佛老之誣性命以惑人者亦易託焉朱子章句之作一出於心得而深切著明俾異端之徒無可假借爲至嚴矣然終不能取未涉其域者之蓬心而一一喻之也當時及門之士得體其實於言意之表者亦寡矣數傳之後愈徇迹而忘其真於是朱門之餘裔或以鉤考文句分支配擬爲窮經之能事僅資塲屋射覆之用而無與於躬行心得之毫末其偏者則抑以臆測度趨入荒杳墮二氏之郭郭而不自知其爲此書之累不但如游謝侯呂之小有所疵而已也明興河東江右諸大儒既汲汲於躬行而立言之未暇爲干祿之學者紛然雜起而亂之降及正嘉之際姚江王氏始出焉則以其



所得於佛老者強攀是篇以爲證據其爲妄也既莫之窮詰而其失之皎然易見者則但取經中片句隻字與彼相似者以爲文過之媒至於全書之義詳畧相因巨細畢舉一以貫之而爲天德王道之全者則茫然置之而不恤迨其徒二王錢羅之流恬不知恥而竊佛老之士直以相附會則害愈烈而人心之壞世道之否莫不繇之矣夫之不敏深悼其所爲而不屑一與之辨也故僭承朱子之正宗而爲之衍以附諸章句之下庶讀者知聖經之作朱子之述皆聖功深造體驗之實俾學者反求自得而不屑從事於文詞之末則亦不待深爲之

辨而駁儒淫邪之說亦尙息乎凡此二篇今既專行爲學者之通習而必歸之記中者蓋欲使五經之各爲全書以見聖道之大抑以知凡戴氏所纂四十九篇皆大學中庸大用之所流行而不可以精粗異視也凡三十二章

注中者不偏不倚無過不及之名衍情未有偏

事未有倚而合宜得正無過不及之天則存焉**注**庸平常也衍平常所用無所往而可離者也蓋卽不易之義

注子程子曰不偏之謂中不易之謂庸中者天下之

正道庸者天下之定理衍正道體也定理用也正道性也道也定理道也教也**注**此篇乃孔門傳授心法子思

恐其久而差也故筆之於書以授孟子其書始言一理中散爲萬事末復合爲一理放之則彌六合卷之則退藏於密節就其言功用者謂之放就其言存主者謂之卷非謂君子之放而卷之也退者求之己密詳縝無閒之謂節其味無窮皆實學也善讀者玩索而有得焉則終身用之有不能盡者矣

天命之謂性率性之謂道脩道之謂教

節命猶令也節董子曰天令之謂命節性卽理也節卽者但此無他之謂節天以陰陽五行化生萬物氣以成形而理亦賦焉猶命令也於是人物之生因各得其所

賦之理以爲健順五常之德所謂性也率循也道猶路也人物各循其性之自然則其日用事物之間莫不各有當行之路是則所謂道也節兼言物者人旣自循其性則皆備之實遇物而各循其性以得其所當行者也自然有自而然之謂節脩品節之也性道雖同而氣稟或異故不能無過不及之差聖人因人物之所當行者而品節之以爲法於天下則謂之教若禮樂刑政之屬是也蓋人之所以爲人道之所以爲道聖人之所以爲教原其所自無一不本於天而備於我學者知之則其於學知所用力而自不能已矣故子思於此首發明之

讀者所宜深體而默識也。循自蓋人之所以爲人以下
乃元本精醇警切至矣。今世所傳乃祝氏附錄蓋以荅
問語附入之耳。

道也者不可須臾離也可離非道也是故君子戒慎乎其
所不睹恐懼乎其所不聞離力
智反

注道者日用事物當然之理皆性之德而具於心無物
不有無時不然所以不可須臾離也若其可離則爲外
物而非道矣。循此句亦從元本較今改本爲明切暗破
異端外義之說。循是以君子之心常存敬畏雖不見聞
亦不敢忽所以存天理之本然而不使離於須臾之頃也。循

所不睹者所不睹耳非無所睹也所不聞者所不聞耳
非無所聞也遇物而感觸意而興則睹之聞之獨知之
幾也萬事萬物之理持於心而不忘不待睹聞而後顯
見此則所謂所不睹所不聞也戒慎恐懼者持其正而
弗失之謂此卽大學之所謂正心也敬畏以言其功爾
無所睹聞而有所敬畏蓋赫然天理之森著矣蓋嘗論
之過人欲者物誘欲動而後能施其過物之未構欲之
未動不睹姦色而豫擬一姦色以絕之不聞淫聲而豫
擬一淫聲以遠之徒勞而無可致其功未有能濟者也
且盡古今之爲學者純疵利鈍之不一未有如是之迂

謬以爲功者也惟夫天理之本然渾淪一理而萬殊皆備仁者見仁知者見知君子見其參前而倚衡聖人見其川流而敦化至大而不易舉也至密而不易盡也至變而不可執也非豫存諸心而敬畏以持之則物至事起雖欲襲取以爲義而動乖其則此則無物不有無時不然而不待既睹其形既聞其聲乃以揀是非而施戒懼者也君子之道至此而至矣爲異端者未有能與焉者也不知有此乃始求之於感應求之於緣起陷溺終身而不拔不亦宜乎

莫見乎隱莫顯乎微故君子慎其獨也

見賢
遍反

禮記章句卷三十一

五

注隱暗處也微細事也獨者人所不知而已所獨知之地也言幽暗之中細微之事跡雖未形而幾則已動人雖不知而已獨知之則是天下之事無有著見明顯而過於此者是以君子旣常戒懼而於此尤加謹焉**衍**旣常戒懼天則炯然而後善者審不善者著加謹之功起焉若未嘗戒懼則一念之惡未有凶危之象昏然莫察其是非至於人之視己如見其肺肝而後悔而思揜初無有所謂獨知則亦無從致其慎也蓋庸人後念明於前念而君子初幾捷於後幾遏人欲所以全天理而惟存天理者乃可以遏人欲是存養爲聖學之本而省察

其加功固有主輔之分也。所以過人欲於將萌而不使其潛滋暗長於隱微之中，以至離道之遠也。者因之有害之辭，謂意欺其心，不能自慊，雖欲正其心而不能也。

喜怒哀樂之未發，謂之中。發而皆中節，謂之和。中也者，天下之大本也。和也者，天下之達道也。

樂虛各反中節之中陟仲反

喜怒哀樂情也。其未發則性也。未發矣，以遂謂之

性。君子所性，仁義禮智根於心，未發者喜怒哀樂耳。故程子曰：中者，在中之謂。無所偏倚，故謂之中。無所偏倚，非偏倚為不美之辭也。假令偏於哀而倚之，其可

參以樂而調之，為不偏乎。太極於五行無所偏倚，迨其為五行水偏於潤，下火偏於炎，上倚潤下，炎上以為用矣。然而五行各一太極於德不損也。故知偏倚非不美之辭也。無所偏倚，言其時凝聚保合之氣象耳。無所偏倚而無不存，然後其發也有所偏倚，而仍無所乖戾。是謂之大本。發皆中節，情之正也。無所乖戾，故謂之。和。大本者，天命之性。天下之理皆由此出道之體也。達道者，循性之謂。天下古今之所共由道之用也。此言性情之德，以明道不可離之意。

致中和，天地位焉，萬物育焉。

致推而極之也位者安其所也育者遂其生也

定

時正歲秩序百神所以位天也體國經野奠山治水所

以位地也盡物之性所以育物也皆受化裁於中和之

道**注**自戒懼而約之以至於至靜之中無所偏倚而其

守不失**注**無所偏倚則易失之無所偏倚而不失則仁

義禮知根心篤實而大本深固矣**注**則極其中而天地

位矣自謹獨而精之以至於應物之處無少差謬而無

適不然則極其和而萬物育矣蓋天地萬物本吾一體

吾之心正則天地之心亦正矣吾之氣順則天地之氣

亦順矣故其效驗至於如此此學問之極功聖人之能

禮記章句卷二十一

七

事初非有待於外而脩道之教亦在其中矣是其一體

一用雖有動靜之殊然必其體立而後用有以行則其

實亦非有兩事也**注**天地位焉亦達道也原其所自則

萬物育焉亦大本之固有也惟存養而後可以省察惟

致中而後可以致和用者用其體也惟省察而後存養

不失惟致和而後中無不致體者用之體也若不察此

徒以法象分配爲戲論而已**注**故於此合而言之以結

上文之意

右第一章子思述所傳之意以立言首明道之本原出

於天而不可易**注**出於天謂與天同此一理涇陽顧氏

謂此所言天於流行見主宰其說得之。其實體備於於己而不可離。實體誠也。誠者天之道也。備於己者人之天道也。次言存養省察之要。終言聖神功化之極。蓋欲學者於此反求諸身而自得之。求之之實求諸三近而已。誠之者人之道也。自得之則天道復矣。以去夫外誘之私而充其本然之善。楊氏所謂一篇之體要是也。其下十章蓋子思引夫子之言以終此章之義。此章之義中爲體和爲用。存養爲主。省察爲輔。體用主輔合一以爲道而內外本末歷然自分。聖學所以爲萬善之統宗而非異端之所可冒也。章句之開示切矣。世教衰邪說逞於是而有併戒懼於慎獨以蔑存養之說者出焉。道之不行我知之矣。知者過之愚者不及也。夫見爲過者豈能過哉。不及而已矣。一念之起介然有覺是非粗辨梏亡者亦有之也。未之感應天理森然萬物皆備非君子莫之能得也。念之始萌是非甚細權衡之審卽念而明非君子莫之能著也。未嘗實致其力於靜存之學則茫然無得。因其未得不信君子之有乃據一念介然之覺以爲極致是其不及者遠矣。而自謂能過於君子之道不已。誕乎且惟然而其所謂介然之覺是非之果辨與否焉。吾不能保也。抑其乘天機之未

混以爲介然之覺者自謂獨知而天下之人則已如見其肺肝也故人欲之不可肆鄉黨自好者而知之矣佛老而先知之矣卽夫縱欲敗度而思返者亦知之矣非特知之且遏之矣乃佛老之知之無殊於縱欲而疲者之知之也則惟其無大本存焉而聽志氣之息以斂者也迨志氣之疲而乃知人欲之非所當逐焉故曰人已見其肺肝而始有介然之覺也則專言慎獨者蓋終身而未嘗有其獨也於是爲邪說者益叛而爲遁辭曰獨者無對之體是不與非對善不與惡對己不與物對事不與理對卽吾性也則其竊佛氏真空不二之說以洗滌浮游於人心之危而本心盡失是其終身之久以至於終食之間求其痛癢之自知乃至一念而不可得信乎終日言獨而不知何者之爲獨而況可得而慎乎斯所以昏然長迷爲鮮能之民而終之以無忌憚故曰其不及者遠矣奚過之有哉

仲尼曰君子中庸小人反中庸

中庸者不偏不倚無過不及而平常之理乃天命所當然精微之極致也惟君子爲能體之小人反是

君子之中庸也君子而時中小人之中庸也小人而無忌憚也

注王肅本作小人之反中庸也程子亦以爲然今從之君子之所以爲中庸者以其有君子之德而又能隨時以處中也**衍**處猶制也**注**小人之所以反中庸者以其有小人之心而又無所忌憚也蓋中無定體隨時而在是乃平常之理也**衍**無定體則亦無定用然不可謂無定用蓋用雖至蹟而其趨一也若無定用則莊周兩行之說歸於無忌憚而已**注**君子知其在我故能戒謹不睹恐懼不聞而無時不中**衍**雖無定體而在我則有皆備之實體可固執也於此獨言戒慎恐懼則存養爲聖功之主亦可見矣**注**小人不知有此則肆欲妄行而無所忌憚矣**衍**凡以私意爲邪說誠行者必以徇其所欲而使得肆若無所欲其行雖妄猶將有所忌憚也

右第二章 此下十章皆論中庸以釋首章之義文雖不屬而意實相承也變和言庸者游氏曰以性情言之則曰中和以德行之則曰中庸是也然中庸之中實兼中和之義

子曰中庸其至矣乎民鮮能久矣

鮮息淺反下同

注過則失中不及則未至故惟中庸之德爲至**衍**失中

則亦不及於中故必不得至至未有能過之者皆不及爾**注**然亦人所同得初無難事但世教衰民不興行故

鮮能之今已久矣論語無能字

右第三章

子曰道之不行也我知之矣知者過之愚者不及也道之不明也我知之矣賢者過之不肖者不及也

知者之知
珍義反

注道者天理之當然中而已矣**衍**中者道之體道者中

之用自此以下篇內言道者皆脩道之教也**注**知愚賢

不肖之過不及則生稟之異而失其中也知者知之過既以道爲不足行愚者不及知又不知所以行此道之所以常不行也賢者行之過既以道爲不足知不肖者不及行又不求所以知此道之所以常不明也**衍**明行

禮記章句卷三十一

十一

相互而言者理之固然誠則明明則誠也誠明相資以爲體知行相資以爲用惟其各有致功而亦各有其效故相資以互用則於其相互益知其必分矣同者不相爲用資於異者乃和同而起功此定理也不知其各有功效而相資於是而姚江王氏知行合一之說得藉口以惑世蓋其旨本諸釋氏於無所可行之中立一介然之知曰悟而廢天下之實理實理廢則亦無所忌憚而已矣

人莫不飲食也鮮能知味也

注道不可離人自不察是以有過不及之弊

右第四章 **無忌憚**之小人賊道者也鮮能之民味道者也過不及者學道而不至者也

子曰道其不行矣夫 夫防無反

注由不明故不行

右第五章 此章承上章而舉其不行之端以起下章之意

子曰舜其大知也與舜好問而好察邇言隱惡而揚善執其兩端用其中於民其斯以為舜乎 知珍義反與以諸反好呼報反

注舜之所以為大知者以其不自用而取諸人也邇言者淺近之言 **注**明非左右近習之言 **注**猶必察焉其無

遺善可知然於其言之未善者則隱而不宣其善者則播而不匿其廣大光明又如此則人孰不樂告以善哉兩端謂眾論不同之極致蓋凡物皆有兩端如小大厚薄之類於善之中又執其兩端而量度以取中然後用之則其擇之審而行之至矣然非在我之權度精切不差何以與此此知之所以無過不及而道之所以行也 **衍**忽學問為無益於知而專己求明是為過怠於學問則不及矣凡言過者經過涉畧而不入於室之謂

右第六章

子曰人皆曰予知驅而納諸罟獲陷阱之中而莫之知辟

也人皆曰予知擇乎中庸而不能期月守也

知珍義反期居之反

注罟網也獲機檻也陷阱坑坎也皆所以擒取禽獸者也擇乎中庸辨別眾理以求所謂中庸卽上章好問用中之事也期月匝一月也言知禍而不知辟以況能擇而不能守皆不得爲知也

右第七章 承上章大知而言又舉不明之端以起下章也

子曰回之爲人也擇乎中庸得一善則拳拳服膺而弗失之矣

注回孔子弟子顏淵名拳拳奉持之貌服猶著也膺胸

禮記章句卷二十一

三

也奉持而著之心胸之閒言能守也顏子蓋真知之故能擇能守如此此行之所以無過不及而道之所以明也行行之不力志大而不能揜是爲過不力於行則不及矣舜之知好學故大回之仁力行故弗失人皆曰予知亦有知焉而不能好學也不能期月守亦旣行焉而不能力行也好學然後擇之審而行之不疑力行則身體而喻之深好學力行作聖之極功雖聖人不能不資之審矣

右第八章

子曰天下國家可均也爵祿可辭也白刃可蹈也中庸不

可能也

注均平治也三者亦知仁勇之事**注**知仁勇天德也好

學力行知恥人道也人之道者凝於人而為性盡性則

至於命不徒恃天德而自達天德君子不言命也徒恃

知仁勇之天德則有倚於一偏之病能三者而量止矣

注天下之至難也然皆倚於一偏故資之近而力能勉

者皆足以能之至於中庸雖若易能然非義精仁熟而

無一毫人欲之私者不能及也**注**好學則義精舜之能

用中也力行則仁熟顏子之能弗失也知恥則不以勝

人為勇而勇於自治其人欲之私恥一毫之尚存君子

禮記章句卷三十一

十四

之彊而備中和之德也**注**三者難而易中庸易而難此

民之所以鮮能也**注**能乎三者而尚不能乎中庸況未

能乎三者哉

右第九章 亦承上章以起下章

子路問強

注子路孔子弟子仲由也子路好勇故問強

子曰南方之強與北方之強與抑而強與與以諸反

注抑語辭而汝也

寬柔以教不報無道南方之強也君子居之

注寬柔以教謂含容異順以誨人之不及也不報無道

謂橫逆之來直受之而不報也南方風氣柔弱故以含忍之力勝人爲強君子之道也

衽金革死而不厭北方之強也而強者居之厭一鹽反

衽席也金戈兵之屬革甲冑之屬北方風氣剛勁故以果敢之力勝人爲強強者之事也衽因風氣者皆天

勝人而未盡乎人之所以爲人之道也

故君子和而不流強哉矯中立而不倚強哉矯國有道不變塞焉強哉矯國無道至死不變強哉矯

衽此四者汝之所當強也矯強貌詩曰矯矯虎臣是也倚偏著也塞未達也國有道不變未達之所守國無道

不變平生之所守也此則所謂中庸之不可能者非有以自勝其人欲之私不能擇而守也衽勝其人欲之私

知恥之大者也衽君子之強孰大於是夫子以是告子路者所以抑其血氣之剛而進之以德義之勇也

右第十章

子曰素隱行怪後世有述焉吾弗爲之矣素少載反

衽素按漢書當作索蓋字之誤也素隱行怪言深求隱僻之理而過爲詭異之行也然以其足以欺世而盜名故後世或有稱述之者此知之過而不擇乎善行之過而不用其中不當彊而彊者也聖人豈爲之哉

君子遵道而行半塗而廢吾弗能已矣

注遵道而行則能擇乎善矣半塗而廢則力之不足也此其知雖足以及之而行有不逮當彊而不彊者也**注**不當彊而彊當彊而不彊所以貴乎知恥知恥者知所當恥而恥之**注**已止也聖人於此非勉焉而不敢廢蓋至誠無息自有所不能止也**注**發憤忘食樂以忘憂不知老之將至此謂至誠無息

君子依乎中庸遯世不見知而不悔唯聖者能之

注不爲索隱行怪則依乎中庸而已不能半塗而廢是以遯世不見知而不悔也此中庸之成德知之盡**注**好

禮記章句卷三十一

十一

學則盡**注**仁之至**注**力行則至**注**不賴勇而裕如者**注**

雖不賴勇自賴知恥聖人之於人也匹夫匹婦之不獲若己推而納之溝中於身也不能如舜則以爲未免爲鄉人斯以於天德王道之全不待勇往而自裕如**注**正吾夫子之事而猶不自居也故曰惟聖者能之而已

右第十一章 子思所引夫子之言以明首章之義者

止此蓋此篇大旨以知仁勇三達德爲入道之門故於篇首卽以大舜顏淵子路之事明之舜知也顏淵仁也子路勇也三者廢其一則無以造道而成德矣餘見第

二十章

君子之道費而隱

注費用之廣也隱體之微也

衍君子之道君子所脩而

爲教者也天地之道普萬化而宰之者鬼神之德誠也誠體物而不可見間微也君子之道備眾理而宰之者性情之德誠之者也戒慎恐懼於所不睹不聞慎於獨知體中和於喜怒哀樂之未發微也自存者爲體發者爲用而言之則用廣而體微自道教爲體脩之爲用而言之則體廣而用微也

夫婦之愚可以與知焉及其至也雖聖人亦有所不知焉夫婦之不肖可以能行焉及其至也雖聖人亦有所不能

禮記章句卷三十一

十七

焉天地之大也人猶有所憾故君子語大天下莫能載焉

語小天下莫能破焉

與羊御反

注君子之道近自夫婦居室之間遠而至於聖人天地

之所不能盡其大無外其小無內可謂費矣然其理之所以然則隱而莫之見也蓋可知可能者道中之一事及其至而聖人不知不能則舉全體而言聖人固有所不能盡也侯氏曰聖人所不知如孔子問禮問官之類所不能如孔子不得位堯舜病博施之類愚謂人所憾於天地如覆載生成之偏及寒暑災祥之不得其正者

衍言天地之大人猶有憾見君子之道極物之理盡人

之情人無所憾焉自人猶有所憾以上皆言君子之道
故君子語大以下通下節則言道之固然惟道之固然
故君子之道必然也

詩云鳶飛戾天魚躍于淵言其上下察也

注詩大雅旱麓之篇鳶鴟類戾至也察著也**衍**著存也
昭也存則實有昭則無隱**注**子思引此詩以明化育流
行上下昭著莫非此理之用所謂費也然其所以然者
則非見聞所及所謂隱也故程子曰此一節子思喫緊
爲人處活潑潑地讀者其致思焉**衍**化育流行之所至
理必至之目所未見非無色也逮其有色則色昭著信

禮記章句卷三十一

六

未有色者之有色矣耳所不聞非無聲也逮其有聲則
聲昭著信未有聲者之有聲矣事雖未形非無理也逮
其有事則理昭著信未有理者之非無理矣色從何疑
聲從何合理從何顯皆太虛一實者爲之是兩閒無太
虛也一實而已矣假令未有鳶則天之可飛而戾者人
不可得而見未有魚淵之可入而躍者人不可得而知
從其目之窮於見耳之窮於聞心之無據以測者遂謂
之太虛爾故云活者富有日新之謂也云潑潑者發散
未凝而充滿之象也以此致思庶幾無弄精魂之病

君子之道造端乎夫婦及其至也察乎天地

造昨到反俗
讀七到反者

注結上文 夫婦夫婦所與知能也章句前云居室猶言家庭之事耳朱門學者或泥居室之文而立男女陰陽之解又何怪乎姚江之徒以參同契附入之

右第十二章子思之言蓋以申明首章道不可離之意也其下八章雜引孔子之言以明之**術**自此章以下至第二十章皆言依乎中庸之道自第二十一章至篇末皆言惟聖者能之之德言道則見其不可離言德則所以不離之也

子曰道不遠人人之為道而遠人不可以為道

禮記章句卷三十一

十九

注道者率性而已固眾人之所能知能行者也故常不遠於人若為道者厭其卑近以為不足為而反務為高遠難行之事則非以為道矣**術**憚存養省察之難則託於高遠以自覆而藉口於卑近之可厭此異端之通病也

詩云伐柯伐柯其則不遠執柯以伐柯睨而視之猶以為遠故君子以人治人改而止

注詩幽風伐柯之篇柯斧柄則法也睨邪視也言人執柯伐木以為柯者彼柯長短之法在此柯耳然猶有彼此之別故伐者視之猶以為遠也若以人治人則所以

爲人之道各在當人之身初無彼此之別故君子之治人也卽以其人之道還治其人之身其人能改卽止不治蓋責之以其所能知能行非欲其遠人以爲道也張子所謂以眾人望人則易從是也

忠恕違道不遠施諸己而不願亦勿施於人

施式智反

注盡己之心爲忠推己及人爲恕違去也如春秋傳齊師違穀七里之違言自此至彼相去不遠非背而去之之謂也道卽其不遠人者是也

疏此云違道不遠者從

上猶以爲遠生義蓋教則卽人而治之政則以我之好惡而推之故微有自此達彼之別耳泥者不察遂有聖

人忠恕學者忠恕之分不知安勉雖別而爲道則一使學者而不以聖人之忠恕爲忠恕則直不可謂之忠恕矣故曰道二仁與不仁而已矣

注施諸己而不願亦勿施於人忠恕之事也

疏無忠不可爲恕故盡己推己合而爲不願勿施此王道之權衡也

注以己之心度人之心未嘗不同則道之不遠於人者可見故己之所不欲則勿以施之於人亦不遠人以爲道之事張子所謂以愛己之心愛人則盡仁是也

君子之道四丘未能一焉所求乎子以事父未能也所求乎臣以事君未能也所求乎弟以事兄未能也所求乎朋

友先施之未能也庸德之行庸言之謹有所不足不敢不勉有餘不敢盡言顧行行顧言君子胡不慥慥爾

顧行行顧之行

胡孟反

注求猶責也道不遠人凡己之所以責人者皆道之所當然也故反之以自責而自脩焉庸平常也行者踐其實謹者擇其可德不足而勉則行益力言有餘而訥則謹益至謹之至則言顧行矣行之力則行顧言矣慥慥篤實貌言君子之言行如此豈不慥慥乎贊美之也凡此皆不遠人以爲道之事張子所謂以責人之心責己則盡道是也

禮記章句卷三十一

三十一

右第十三章 道不遠人者夫婦所能已未能一者聖人所不能皆費也而其所以然者則至隱存焉下章放此**注**以人治人不願勿施庸德庸言之中有至隱者何也動之體密而靜之幾微也以下二章皆可以此推之

君子素其位而行不願乎其外

注素猶見在也言君子但因見在所居之位而爲其所當爲無慕乎其外之心也

素富貴行乎富貴素貧賤行乎貧賤素夷狄行乎夷狄素患難行乎患難君子無入而不自得焉

難奴案反

注此言素其位而行也**注**行者爲所當爲爲所當爲則

不失己而自得矣若富貴無憂勤之心患難無冰淵之戒夷狄無羞惡之志忻然自得則亦小人而無忌憚矣在上位不陵下在下位不援上正己而不求於人則無怨上不怨天下不尤人

注此言不願乎其外也

故君子居易以俟命小人行險以徼幸

易以政反

注易平地也居易素位而行也俟命不願乎外也徼求

也幸謂所不當得而得者

子曰射有似乎君子失諸正鵠反求諸其身

正諸盈反

注畫布曰正棲皮曰鵠皆侯之中射之的也子思引此

禮記章句卷三十一

三

孔子之言以結上文之意

右第十四章 子思之言也凡章首無子曰字者放此

君子之道辟如行遠必自邇辟如登高必自卑

注辟譬同

詩曰妻子好合如鼓瑟琴兄弟既翕和樂且耽宜爾室家

樂爾妻帑

好呼報反樂盧各反帑與孥通乃都反

注詩小雅常棣之篇鼓瑟琴和也翕亦合也耽亦樂也

帑子孫也

子曰父母其順矣乎

注夫子誦此詩而贊之曰人能於妻子宜於兄弟如

此則父母其安樂之矣子思引詩及此語以明行遠自
邇登高自卑之意

右第十五章

子曰鬼神之爲德其盛矣乎

注程子曰鬼神天地之功用而造化之迹也**疏**天地之

功用造化之迹謂之鬼神**注**張子曰鬼神者二氣之良

能也**疏**妙於生化曰良**注**愚謂以二氣言則鬼者陰之

靈也神者陽之靈也以一氣言則至而伸者爲神反而

歸者爲鬼其實一物而已**疏**就其所自來而爲魂爲魄

各成其用與其所旣往而魂升魄降各反其本則爲二

物自其旣凝爲人物者和合以濟無有畛域則爲一物

矣雖死而爲鬼神猶是一物也實一物也以祭祀言之

求之於陽者神也求之於陰者鬼也是所謂陰陽之靈

也思成而翕聚者神也未求之先與求已而返於漢者

鬼也是所謂至而伸反而歸也**注**爲德猶言性情功效

疏有氣斯有理理氣合則有性情有性情則有變有成

與人物相效則有功效

視之而弗見聽之而弗聞體物而不可遺

注鬼神無形與聲然物之終始莫非陰陽合散之所爲

是其爲物之體而物所不能遺也其言體物猶易所謂

是

幹事初既爲物之體則經營闢闔富有日新充塞見聞
特人欲以有窮之目力視之有窮之耳力聽之則不見
不聞爾人不自知其耳目之力有窮而於聞見不及之
地狂妄卜度斯異端之所自熾也

使天下之人齊明盛服以承祭祀洋洋乎如在其上如在

其左右齊側皆反

注齊之爲言齊也所以齊不齊而致其齊也明猶潔也
洋洋流動充滿之意能使人畏敬奉承而發見昭著如
此乃其體物而不可遺之驗也初鬼神之德非耳目之

所可及而獨與心相感使人畏敬者心之動發見昭著

禮記章句卷三十一

三十一

者心之喻蓋鬼神者二氣之良能而心者人之良能也
心爲大體無所遺故不可遺耳目則知性情之發而不
知性情之藏知功效之迹而不知功效之繇小體之遺
多矣故自耳目言之則爲隱自心言之則爲不可揜也
注孔子曰其氣發揚於上爲昭明焄蒿悽愴此百物之
精也神之著也正謂此爾

詩曰神之格思不可度思矧可射思度徒落反射羊益反

注詩大雅抑之篇格來也矧況也射厭也言厭怠而不

敬也思語辭

夫微之顯誠之不可揜如此夫夫防無反

注誠者眞實無妄之謂也誠則無妄矣凡妄之與因虛故假流動充滿皆其實有妄奚從生哉

注陰陽合散無

非實者故其發見之不可揜如此

注

陰陽合散之際無

心而有理昧者不察其有理而但見其無心則謂之漚合而漚散矣漚之散合無其理則合之散之無性情故漚亦無性情爲合爲散無功效故漚亦無功效若二氣之良能其動滿盈其理各得其信無毫髮之爽其妙曲盡而微至其靈赫然昭著而感物之哀樂也深性情功效粲然不欺而豈漚之類哉故知空虛無物之中沖漠無朕之際乃仁義禮智之都哲謀肅乂之府特耳目窮而昧者不察爾不然天下之性情功效惡從而盛以貞之萬世而合符不爽如此哉

禮記章句卷三十一

三五

右第十六章 不見不聞隱也體物如在則亦費矣此前三章以其費之小者而言此後三章以其費之大者而言此一章兼費隱包小大而言

子曰舜其大孝也與德爲聖人尊爲天子富有四海之內宗廟饗之子孫保之

與以諸反

注子孫謂虞思陳胡公之屬

故大德必得其位必得其祿必得其名必得其壽

注舜年百有十歲

故天之生物必因其材而篤焉故栽者培之傾者覆之

注材質也篤厚也栽植也氣至而滋息為培氣反而游散則覆也於此益見陰陽合散之幾無心而有理矣

詩曰嘉樂君子憲憲合德宜民宜人受祿于天保佑命之

自天申之憲呼典反樂盧各反

注詩大雅假樂之篇假當依此作嘉憲當依詩作顯申重也

故大德者必受命

注受命者受天命為天子也

右第十七章 此由庸行之常推之以極其至見道之

禮記章句卷三十一

用廣也而其所以然者則為體微矣後二章亦此意衍

大德以受命莫之致而自至天之微也舜之夔夔齊粟

盡孝以凝命聖人之微也下二章備論幽明禮樂之故

推及於義之難明皆以著君子道用之隱

子曰無憂者其惟文王乎以王季為父以武王為子父作

之子述之

注此言文王之事書言王季其勤王家蓋其所作亦積

功累仁之事也

武王纘大王王季文王之緒壹戎衣而有天下身不失天

下之顯名尊為天子富有四海之內宗廟饗之子孫保之

大他
蓋反

注此言武王之事纘繼也大王王季之父也書云大王肇基王迹詩云至于大王實始翦商緒業也戎衣甲冑之屬壹戎衣武成文言壹著戎衣以伐紂也

武王末受命周公成文武之德追王大王王季上祀先公以天子之禮斯禮也達乎諸侯大夫及士庶人父爲大夫子爲士葬以大夫祭以士父爲士子爲大夫葬以士祭以大夫期之喪達乎大夫三年之喪達乎天子父母之喪無貴賤一也

追王之王于放反大王之大他蓋反期居之反

注此言周公之事末猶老也追王蓋推文武之意以及

禮記章句卷三十一

五七

乎王迹之所起也先公組紃以上至后稷也上祀先公以天子之禮又推大王王季之意以及於無窮也制爲禮法以及天下使葬用死者之爵祭用生者之祿喪服自期以下諸侯絕大夫降而父母之喪上下同之推己以及人也

注

三年之喪天子爲王后世子諸侯爲天子

自爲其夫人世子然雖俱三年而居食之節有不同者惟達焉不降爾父母之喪則一也父在爲母服齊衰期十三月而祥十四月而禫十五日而除

右第十八章

子曰武王周公其達孝矣乎

注達通也承上章而言武王周公之孝乃天下之人通謂之孝猶孟子之言達尊也通謂之孝得乎人心之同然斯為孝之至也

夫孝者善繼人之志善述人之事者也

夫防無反

注上章言武王纘大王王季文王之緒以有天下而周公成文武之德以追崇其先祖此繼志述事之大者也下文又以其所制祭祀之禮通於上下者言之

春秋修其祖廟陳其宗器設其裳衣薦其時食

注祖廟天子七諸侯五大夫三適士二官師一衛一廟者就禰廟以祭祖**注**宗器先世所藏之重器若周之赤

刀大訓天球河圖之屬也裳衣先祖之遺衣服祭則設之以授尸也時食四時之食各有其物如春行羔豚膳膏香之類是也

宗廟之禮所以序昭穆也序爵所以辨貴賤也序事所以辨賢也旅酬下為上所以逮賤也燕毛所以序齒也為于偽反

注宗廟之次左為昭右為穆而子孫亦以為序有事於太廟則子姓兄弟羣昭羣穆咸在而不失其倫焉注言

太廟者著其咸在耳雖羣廟之祭兄弟子姓助祭者亦

以昭穆序之**注**爵公侯卿大夫也事宗祝有司之職事

也旅眾也酬導飲也旅酬之禮賓弟子兄弟之子各舉

禪於其長而眾相酬蓋宗廟之中以有事爲榮故逮及
賤者使亦得以申其敬也

下

上下以堂言賤者位在堂

下燕毛祭畢而燕則以毛髮之色別長幼爲坐次也
齒年數也

踐其位行其禮奏其樂敬其所尊愛其所親事死如事生
事亡如事存孝之至也

下踐猶履也其指先王也

下

釋其所尊其所親

所親先王之祖考子孫臣庶也始死謂之死既葬則曰
反而亡焉皆指先王也此結上文兩節皆繼志述事之
意也

郊社之禮所以祀上帝也宗廟之禮所以祀乎其先也明
乎郊社之禮禘嘗之義治國其如示諸掌乎

下郊祀天社祭地不言后土者省文也

下

郊祭上帝之

專名祭后土則社是已后土卽地之祇也言郊社者惟
此最爲顯明五峯胡氏謂無北郊祭地之禮與經文爲

合北郊方澤皇地祇之說其爲淫祀明矣

下

禘天子宗

廟之大祭追祭太祖之所自出於太廟而以太祖配之

也嘗秋祭也四時皆祭舉其一耳禮必有義對舉之互

文也示與視同視諸掌言易見也此與論語文意大同

小異記有詳畧耳

右第十九章

哀公問政

注哀公魯君名蔣

子曰文武之政布在方策其人存則其政舉其人亡則其政息

注方版也策簡也息猶滅也有是君有是臣則有是政矣

人道敏政地道敏樹夫政也者蒲盧也夫防無反

注敏速也蒲盧沈括以為蒲葦是也以人立政猶以地種樹其成速矣而蒲葦又易生之物其成尤速也言人

禮記章句卷三十一

三

存政舉其易如此**注**人道者人之所以為人者有其性有其情有其才而能擇能執者也

故為政在人取人以身脩身以道脩道以仁

注此承上文人道敏政而言也為政在人家語作為政在於得人語意尤備人謂賢臣身指君身道者天下之

達道仁者天地生物之心而人得以生者所謂元者善之長也言人君為政在於得人而取人之則在脩身

能仁其身**注**備仁之理於身也**注**則有君有臣而政無不舉矣

仁者人也親親為大義者宜也尊賢為大親親之殺尊賢

之等禮所生也

被所
戒反

注人指人身而言具此生理自然便有惻怛慈愛之意
深體味之可見注此言仁者愛之理仁之用也道也知

仁勇之仁言心之德仁之體也性也立體以致用而後
用無不行率性而道乃可脩也注宜者分別事理各有

所宜也禮則節文斯二者而已

在下位不獲乎上民不可得而治矣

注鄭氏曰此句在下誤重在此

故君子不可以不脩身思脩身不可以不事親思事親不
可以不知人思知人不可以不知天

禮記章句卷三十一

三十一

注爲政在人取人以身故不可以不脩身脩身以道脩
道以仁故思脩身不可以不事親欲盡親親之仁必由
尊賢之義故又當知人親親之殺尊賢之等皆天理也
故又當知天注此節既結上文抑與知斯三者一節相
爲終始此但言舉政之道不可以不然乃知其不可以
不然而終不能然者未得所以能然之實而致功也知
以吾三近之德脩身而治人則天人皆知而誠身順親
仁義禮之無不舉矣人道之所以能敏政也

天下之達道五所以行之者三曰君臣也父子也夫婦也
昆弟也朋友之交也五者天下之達道也知仁勇三者天

下之達德也所以行之者一也

知珍義反

注達道者天下古今所共由之路卽書所謂五典孟子所謂父子有親君臣有義夫婦有別長幼有序朋友有信是也。**補**親義別序信仁義禮而已。**注**知所以知此也仁所以體此也勇所以彊此也。**補**所以者取之身而加彼之辭。**注**謂之達德者天下古今所同得之理也一則誠而已矣達道雖人所共由然無是三德則無以行之達德雖人所同得然一有不誠則人欲閒之而德非其德矣。**補**誠則人欲自不能閒但過人欲而未卽能誠德亦終非其德也。**注**程子曰所謂誠者止是誠實此三者

禮記章句卷二十一

三十一

三者之外更別無誠。**補**誠實此三者言三者之皆充實也一有不誠未至乎充實斷而不恆小而不擴偏而不全也若夫僞者後起之妄小人之所爲無忌憚非一有不誠而卽僞也三者之未實則必爲欲所乘然雖人欲閒之亦尙未至於僞惟不仁不知不勇之極而濟之以無忌憚之才然後僞生誠不與僞對但去僞亦未能誠而先儒或言去僞存誠者乃爲陷溺枯亡深重者示自新之路去僞而不自恕不自恕則愧怍而反求諸道庶幾可得而誠也鄉黨自好者其僞亦鮮何況君子而豈但無僞之卽誠哉然則君子之存誠也懼三者之未充

實則以好學充其知力行充其仁知恥充其勇而已矣
或生而知之或學而知之或困而知之及其知之一也或
安而行之或利而行之或勉強而行之及其成功一也其強

兩反

注知之者之所知行之者之所行謂達道也以其分而
言則所以知者知也所以行者仁也所以至於知之成
功而一者勇也以其等而言則生知安行者知也學知
利行者仁也困知勉行者勇也**衍**總以見知仁勇之交
相為功而生安利學困勉皆資所性之達德以知行耳
學者不得其立言之旨而效其分配為無益而已矣**注**

禮記章句卷三十一

三十一

蓋人性雖無不善而氣稟有不同者故聞道有蚤莫行
道有難易然能自彊不息則其至一也**衍**困勉者亦有
能自彊不息之資惟其三近之德足於性也**注**呂氏曰
所入之塗雖異而所至之域則同此所以為中庸**衍**繩
墨之不可改殼率之不可變也**注**若乃企生知安行之
資為不可幾及輕困知勉行謂不能有成此道之所以
不明不行也

子曰好學近乎知力行近乎仁知恥近乎勇好呼報反乎
知之知珍義

反

注子曰二字衍文此言未及乎達德而求以入德之事

通上文三知爲知三行爲仁則此三近者勇之次也

三者皆性之德也知仁勇天德也天德者天之道此三者人之性人之道也近者天人之辭人以是而近天所謂達天德也天人於此而相接所謂繼之者善也蓋嘗論之天之明於人爲知天之純於人爲仁天之健於人爲勇是其主宰之流行化生人物爲所命之理而凝乎性焉然人之與物雖有偏全大小明暗醇疵之不同而皆有之矣惟此好學力行知恥之心則物之所絕無而人之所獨也抑天之所未有而二氣五行之精者凝合爲人而始有也天地之生人爲貴貴此而已天有道而

人能宏之宏此而已以嚮於學而好之不舍者孰爲誘之以務於行而力之不吝者孰爲勉之以有所恥而知其所當恥以不昧於恥者孰爲區別而警之觸而用之有其幾焉反而求之有其實焉發之不知存之不忘用之不倦不學而能不慮而知非所性固有之德哉誠之者人之道也人之道者人之性也故以此三者脩身而身脩以此三者治人而人治不可勝用也盡其心則性盡而道宏矣不知用此則雖知知而知有所窮不能復通知仁而仁有所閒不能相保知勇而勇有所竭不能復振無他上用天德則形器所域固不能與天同其理

下用與物同有之性則且與物同其偏而一往必窮也
故子曰不如丘之好學也又曰發憤忘食不知老之將
至聖人之性焉安焉者性此安此而已矣其曰勇之次
者則以見聖人以至於愚柔之資皆有此三者爾所謂
人皆可以爲堯舜也注呂氏曰愚者自是而不求自私
者徇人欲而忘返懦者甘爲人下而不辭故好學非知
然足以破愚力行非仁然足以忘私知恥非勇然足以
起懦

知斯三者則知所以脩身知所以脩身則知所以治人知
所以治人則知所以治天下國家矣

注斯三者指三近而言人者對己之稱天下國家則盡
乎人矣注人道之所以能敏政也注言此以結上文脩
身之意起下文九經之端也

凡爲天下國家有九經曰脩身也尊賢也親親也敬大臣
也體羣臣也子庶民也來百工也柔遠人也懷諸侯也

注經常也體謂設以身處其地而察其心也子如父母
之愛其子也柔遠人所謂無忘賓旅者也此列九經之
目也呂氏曰天下國家之本在身故脩身爲九經之本
然必親師取友然後脩身之道進故尊賢次之道之所
進莫先其家故親親次之由家以及朝廷故敬大臣體

羣臣次之由朝廷以及其國故子庶民來百工次之由其國以及天下故柔遠人懷諸侯次之此九經之序也視羣臣猶吾四體視百姓猶吾子此視臣視民之別也脩身則道立尊賢則不惑親親則諸父昆弟不怨敬大臣則不眩體羣臣則士之報禮重子庶民則百姓勸來百工則財用足柔遠人則四方歸之懷諸侯則天下畏之

注此言九經之效也道立謂道成於己而可爲民表所謂皇建其有極是也不惑謂不疑於理不眩謂不迷於事敬大臣則信任專而小臣不得以閒之故臨事而不眩也來百工則通工易事農末相資故財用足柔遠人

則天下之旅皆悅而願出於其塗故四方歸懷諸侯則德之所施者博而威之所制者廣矣故曰天下畏之

齊明盛服非禮不動所以脩身也去讒遠色賤貨而貴德所以勸賢也尊其位重其祿同其好惡所以勸親親也官盛任使所以勸大臣也忠信重祿所以勸士也時使薄斂所以勸百姓也日省月試既稟稱事所以勸百工也送往迎來嘉善而矜不能所以柔遠人也繼絕世舉廢國治亂持危朝聘以時厚往而薄來所以懷諸侯也

齊側皆反去
邱矩反遠于

願反好呼報反惡烏路反斂力驗反既
許氣反稟力稔反稱昌孕反朝直遙反

注此言九經之事也官盛任使謂官屬眾盛足任使令

也蓋大臣不當親細事故所以優之者如此忠信重祿
謂待之誠而養之厚蓋以身體之而知其所賴乎上者
如此也既讀曰餼餼稟稍食也稱事如周禮稟人職曰
考其弓弩以上下其食是也往則爲之授節以送之來
則豐其委積以迎之朝謂諸侯見於天子聘謂諸侯使
大夫來獻王制比年一小聘三年一大聘五年一朝厚
往薄來謂燕賜厚而納貢薄

凡爲天下國家有九經所以行之者一也

一者誠也

行

一猶言無異道擇善而後知所誠固執
而後無不誠大學所謂無所不用其極也

一有不誠

則是九者皆爲虛文矣此九經之實也

凡事豫則立不豫則廢言前定則不跲事前定則不困行
前定則不疚道前定則不窮

行明
孟反

凡事指達道達德九經之屬豫素定也

行

立天下之

大本而後素無不定所以戒慎乎其所不睹恐懼乎其
所不聞也**行**跲躓也疾病也此承上文言凡事皆欲先
立乎誠如下文所推是也

在下位不獲乎上民不可得而治矣獲乎上有道不信乎
朋友不獲乎上矣信乎朋友有道不順乎親不信乎朋友
矣順乎親有道反諸身不誠不順乎親矣誠身有道不明

乎善不誠乎身矣

注此又以在下位者推言素定之意反諸身不誠謂反求諸身而所存所發未能真實而無妄也**節**所存者一於存真所發者加之察妄**注**不明乎善謂未能察於人心天命之本然而真知至善之所在也**節**天命天之命我者也凝乎心而至善有恆萬物皆備於我於己取之而已故格物致知非逐物而失己也

誠者天之道也誠之者人之道也誠者不勉而中不思而得從容中道聖人也誠之者擇善而固執之者也

從七恭反中陟

反仲

注此承上文誠身而言誠者真實無妄之謂**節**妄者無本而動之謂天理不實人欲閒之以動也**注**天理之本然也**節**天下之事其本然無非天理不隨妄動無非誠也**注**誠之者未能真實無妄而欲其真實無妄之謂人事之當然也**節**既其當然抑其能然惟其能然是以當然**注**聖人之德渾然天理真實無妄不待思勉而從容中道則亦天之道也**節**德已成之德也如孔子七十而從心所欲不踰矩是已**注**未至於聖則不能無人欲之私而其為德不能皆實故未能不思而得則必擇善然後可以明善未能不勉而中則必固執然後可以誠身

此則所謂人之道也。術未至於聖聖功尙未成也。此則所謂人之道既已爲人則必務乎此。雖聖人亦以此而盡其人道。好問好察。拳拳服膺。皆聖功也。注不思而得生知也。術義精則不思而得。注不勉而中安行也。術仁熟則不勉而中。注擇善學知以下之事。固執利行以下之事也。

博學之審問之慎思之明辨之篤行之

注此誠之之目也。學問思辨所以擇善而爲知。學而知也。篤行所以固執而爲仁。利而行也。程子曰五者廢其一非學也。

有弗學學之弗能弗措也有弗問問之弗知弗措也有弗思思之弗得弗措也有弗辨辨之弗明弗措也有弗行行之弗篤弗措也人一能之己百之人十能之己千之

注君子之學不爲則已爲則必要其成故嘗百倍其功此困而知勉而行者也勇之事也

果能此道矣雖愚必明雖柔必強

注明者擇善之功強者固執之效呂氏曰君子之所以學者爲能變化氣質而已德勝氣質則愚者可進於明柔者可進於強不能勝之則雖有志於學亦愚不能明柔不能立而已矣蓋均善而無惡者性也人所同也昏

明強弱之稟不齊者才也人所異也誠之者所以反其
同而變其異也衍欲反其同卽以其所同者反之好學
力行知恥人之與聖人同者也以此三者合而用之則
弗措矣氣質者與生而俱非性之德無以變之則終於
愚柔矣愚柔者以變化氣質聖人以馴至聖功而達天
德不可以二用有二用則終不可得而同也注夫以不
美之質求變而美非百倍其功不足以致之今以鹵莽
滅裂之學或作或輟以變其不美之質及不能變則曰
天質不美非學所能變是果於自棄其爲不仁甚矣
右第二十章 此引孔子之言以繼大舜文武周公之

緒明其所傳之一致舉而措之亦猶是爾衍格天配命
創制顯庸皆一實之理人或知之而要諸至德之原皆
自好學力行知恥而生嗚呼知此者鮮矣注蓋包費隱
兼小大以終十二章之意章內語誠始詳而所謂誠者
實此篇之樞紐也衍以道而言誠爲樞紐以功而言誠
之爲樞紐注又按孔子家語亦載此章而其文尤詳成
功一也之下有公曰子之言美矣至矣寡人實固不足
以成之也故其下復以子曰起荅辭今無此問辭而有
子曰二字蓋子思刪其繁文以附于篇而所刪有不盡
者今當爲衍文也博學之以下家語無之意彼有關文

抑此或子思所補也與

自誠明謂之性自明誠謂之教誠則明矣明則誠矣

注自由也德無不實而明無不照者聖人之德所性而有者也天道也先明乎善而後能實其善者賢人之學由教而入者也人道也

循聖人之德要其成而言也賢

人之學惟其始而言也聖人行造其極而以明爲德之盛故伯夷伊尹柳下惠集義之力均於孔子而孔子知言之功爲生民以來之未有自誠而明其明同於天矣賢人之學以格物致知爲始而以脩其身格致皆以脩也蓋格物致知者至善之極則聖人以此爲德之至盛而學者之始事必自此始焉所謂知止爲始也下學上達其致合一無繩墨之可改殼率之可變也

注誠則無

不明矣明則可以至於誠矣

右第二十一章子思承上章夫子天道人道之意而立言也

循天道命也人道性也天道命之理人道性之德

也命之理者知仁勇凝乎性矣性之德者好學力行知恥生乎心矣知仁勇之足乎性故好學力行知恥之不足厭不倦聖人之同天不息也好學力行知恥之盡其心而知仁勇以之充實而無妄賢人之心能盡性也人道之始未至於天道而天道之極致必不舍乎人道

注自

此以下十二章皆子思之言以反覆推明此章之意
此章之意本以明誠明之合此下十二章皆互相呼應
以著天人合德之理作聖之功

唯天下至誠爲能盡其性能盡其性則能盡人之性能盡
人之性則能盡物之性能盡物之性則可以贊天地之化
育可以贊天地之化育則可以與天地參矣

注天下至誠謂聖人之德之實天下莫能加也盡其性
者德無不實故無人欲之私而天命之在我者察之由
之巨細精粗無毫髮之不盡也**衍**察之亦擇也繇之亦
執也乃其別者善惡雜而待揀則謂之擇無惡而審乎

至善之所在則謂之察存去不恆而持之無失則謂之
執無所去則存者健行之而已則謂之繇言至誠者惟
此爲實其他神明幻異之說不足取也不勉而中行之
之時無勉強之難耳非不待夫健行也不思而得事物
當前不待更思耳當其審至善之理非不察也要之聖
人無所過防於私欲之蔽賢者必慎防之而已**注**人物
之性亦我之性但以所賦形氣不同而有異耳能盡之
者謂知之無不明而處之無不當也**衍**知知其可知與
其當知者處之則使盡其材以成其用耳無不明明之
至也無不當當之至也非博察而徧施之也親親仁民

愛物形氣既異差等不迷異端但知物我同性而不知形氣之異以窮大而無實究以逆人物之性而自逆注贊猶助也與天地參謂與天地並立爲三也此言誠而明者之事也

右第二十二章 言天道也注省矣也具云言自誠而

明者之合於天道也後放此

其次致曲曲能有誠誠則形形則著著則明明則動動則變變則化唯天下至誠爲能化

注其次通大賢以下凡誠有未至者而言也注誠之未至人欲閒之也然爲曲能有誠者言爾又其下者從不

禮記章句卷三十一

學

與天地相親則雖人欲不蔽誠亦不存所謂鮮能知味者惟陷溺未深則三近之德猶有存者注致推致也曲一偏也形者積中而發外著則又加顯矣明則又有光輝發越之盛也動者誠能動物變者物從而變化則有不知其所以然者注爲所化者不自知耳薰陶移易條理不爽君子自知之注蓋人之性無不同而氣則有異故惟聖人能舉其性之全體而盡之其次則必自其善端發見之偏而悉推致之以各造其極也曲無不致則德無不實而形著動變之功自不能已積而至於能化則其至誠之妙亦不異於聖人矣

右第二十三章 言人道也循亦省文也具云言自明

而誠者之盡人道而可合於天道也後放此

至誠之道可以前知國家將興必有禎祥國家將亡必有妖孽見乎蒼龜動乎四體禍福將至善必先知之不善必

先知之故至誠如神見賢 遍反

注禎祥者福之兆妖孽者禍之萌蒼所以筮龜所以卜四體謂動作威儀之間如執玉高卑其容俯仰之類凡此皆理之先見者也然惟誠之至極而無一毫私偽雷於心目之間者乃能有以察其幾焉循愚按今章句本

有神謂鬼神一句與國本無之今從與國本神者即禎

禮記章句卷三十一

四十四

祥妖孽著龜四體所見之天幾雖無非造化之迹而未

可謂之鬼神也

右第二十四章 言天道也

誠者自成也而道自道也道也之道 徒到反

注言誠者物之所以自成而道者人之所當自行也循

物猶言人也雖曰天地萬物無非誠之所成而皆備於

我則人統之矣注誠以心言本也道以理言用也循就

其凝於虛靈知覺之中故謂之心誠既居體而徹乎用

故不以體對用而言本既曰誠以心言則自誠之專為

人言審矣心者人之心也

誠者物之終始不誠無物是故君子誠之爲貴

注天下之物皆實理之所爲故必得是理然後有是物所得之理既盡則是物亦盡而無有矣此言物者事

物也有其物有其事則必有其實理徹乎初終直至事物之成無可增益而後此理亦終而無餘蓋誠與物相

爲終始也**注**故人之心一有不實則雖有所爲亦如無

有有所爲言爲仁爲知爲勇如無有言與不仁不知

不勇者同也孟子所謂杯水救車薪之火終亦必亡者

也既無仁知勇事皆不成矣**注**而君子必以誠爲貴也

蓋人之心能無不實乃爲有以自成而道之在我者亦

無不行矣

禮記章句卷三十

聖

誠者非自成己而已也所以成物也成己仁也成物知也性之德也合內外之道也故時措之宜也知珍義反

注誠雖所以成己然既有以自成則自然及物而道亦

行於彼矣注己之有事皆不能絕物而孤行物必有受

之者而所成之物皆與己酬酢而非疏遠強附者故成

己之德自然及物非若異端之離物爲己而不能及與

不論情勢之當及與否而槩欲攝度之非卽其自成者

而自然及也**注**仁者體之存知者用之發是皆吾性之

固有而無內外之殊既得於己則見於事者以時措之

而皆得其宜也

右第二十五章 言人道也

故至誠無息

注既無虛假自無閒斷存諸中者未能充實物至事

起乃倣理以行謂之虛假

不息則久久則徵

注久常於中也徵驗於外也動靜一致斯不息常於

中謂仁之熟也

徵則悠遠悠遠則博厚博厚則高明

注此皆以其驗於外者言之鄭氏所謂至誠之德著於

禮記章句卷三十一

四六

四方者是也存諸中者既久則驗於外者益悠遠而無窮矣悠遠故其積也廣博而深厚博厚故其發也高大而光明

博厚所以載物也高明所以覆物也悠久所以成物也

注悠久即悠遠兼內外而言之也本以悠遠致高厚而

高厚又悠久也此言聖人與天地同用

博厚配地高明配天悠久無疆

注此言聖人與天地同體

如此者不見而章不動而變無爲而成

見賢
遍反

注見猶示也不見而章以配地而言也不動而變以配

天而言也無爲而成以無疆而言也衍無爲者謂其所成者不見其爲也雷雨之動滿盈循其理而不勞理至氣順非有翕闢搏造之者而孰能測其何以爲之

天地之道可一言而盡也其爲物不貳則其生物不測

注此以下復以天地明至誠無息之功用天地之道可一言而盡不過曰誠而已不貳所以誠也衍貳閒也不貳卽不息也在至誠則曰旣無虛假自無閒斷在天地則云不貳所以誠蓋此際無俄然先後之別可互以體用功效言之而在人則先言無虛假而後言無閒斷無息者不息其誠也立體致用之辭當然也在天則先言不貳後言所以誠不貳天之實也誠則就人之德以言天也凡其不貳者皆誠也於用見體之辭當然也實則一而已矣注誠故不息而生物之多有莫知其所以然者衍物生之盛其所以然者視不可見聽不可聞斯莫測矣若物之品彙條理則至信不爽而皆可以預期之天地之道博也厚也高也明也悠也久也

注言天地之道誠一不貳故能各極其盛而有下文生物之功

今夫天斯昭昭之多及其無窮也日月星辰繫焉萬物覆焉今夫地一撮土之多及其廣厚載華嶽而不重振河海

而不洩萬物載焉今夫山一卷石之多及其廣大草木生之禽獸居之寶藏興焉今夫水一勺之多及其不測黿鼉蛟龍魚鼈生焉貨財殖焉

夫防無反字胡化反卷巨緣反藏徂浪反

注昭昭猶耿耿小明也此指其一處而言之也及其無窮猶十二章及其至也之意蓋舉全體而言也振收也卷區也此四條皆以發明由其不貳不息以致盛大而能生物之意然天地山川實非由積累而後大讀者不以辭害意可也

詩云維天之命於穆不已蓋曰天之所以爲天也於乎不顯文王之德之純蓋曰文王之所以爲文也純亦不已

於哀

都反乎荒鳥反

禮記章句卷三十一

四八

注詩周頌維天之命篇於歎辭穆深遠也不顯猶言豈不顯也純純一不雜也引此以明至誠無息之意程子曰天道不已文王純於天道亦不已純則無二無雜不已則無閒斷先後**注**無先後者天而已矣易曰羣龍无首人不得以首尾測天也聖人合天合其無閒斷者耳雖云無二而本未始終條理不紊因其條理一以貫之斯無二矣倘亦以先後爲礙而去之凌躡浮游必不能至於天而祇失其人理此異端之所以賊道不可不察也

右第二十六章 言天道也

大哉聖人之道

注包下文兩節而言

洋洋乎發育萬物峻極于天

注峻高大也此言道之極於至大而無外也**衍**發育廣

大也峻極高明也

優優大哉禮儀三百威儀三千

注優優充足有餘之意禮儀經禮也威儀曲禮也此言道之入於至小而無閒也**衍**至小無閒精微中庸也

待其人而後行

禮記章句卷三十一

四九

注總結上兩節

故曰苟不至德至道不凝焉

注至德謂其人至道指上兩節而言也凝聚也成也

故君子尊德性而道問學致廣大而盡精微極高明而道

中庸溫故而知新敦厚以崇禮

道徒到反

注尊者恭敬奉持之意德性者吾所受於天之正理**衍**

理而言正卓然不與萬物同流**注**道由也溫猶燻溫之

溫謂故學之矣復時習之也**衍**故學之復習之雖格物

之功而心恆識乎理而不忘則實存心之切務也孔子

之默識伊尹之克念顏子之服膺皆此也非此而言存

心釋氏所謂三喚主人者耳君子之學盡人道以異於禽獸者此而已矣禽獸有新而無故故犬牛皆謂之性而爲不德之性德者得於心也釋氏不知謗之曰法執曰我所曰知見雜毒欲毀而禽爾姚江王氏譏傳不習乎爲曾子未聞道之言其率獸食人久矣注敦加厚也尊德性所以存心而極乎道體之大也道問學所以致知而盡乎道體之細也二者脩德凝道之大端也不以一毫私意自蔽注廓然達天德之公注不以一毫私欲自累注純然養天理之正注涵泳乎其所已知敦篤乎其所已知此皆存心之屬也析理則不使有毫釐之差

處事則不使有過不及之謬理義則日知其所未知節文則日謹其所未謹此皆致知之屬也注存心之屬正心誠意也致知之屬致知格物也此大學中庸合符之教也去私意之蔽而涵泳其所已知正心也去私欲之累而敦篤其所已知誠意也蓋心未感發欲固未萌所正者正其私意之偏耳已知而涵泳之程子所謂持其志也去私欲者意動欲興於獨加慎也所已知者存養之所不昧者於意之發必允蹈之一於善也析理曰知未有事之辭而理則可知也事卽物也格物者非記誦詞章區區於名物象數之迹窮年不殫亦身所有事之

物必格之也。曰：知其所未知，析理益精，知之至也。節文曰：謹慮事，益察物之格也。故下云：入德之方，卽程子所云：初學入德之門。蓋非存心無以致知，而存心者又不可以不致知，故此五句大小相資，首尾相應。聖賢所示入德之方，莫詳於此。學者宜盡心焉。此篇首章先存養而後省察，末章先省察而後存養。大學既云：欲正其心者，先誠其意，欲誠其意者，先致其知。致知在格物，是脩身之功，以正心爲主，三者爲輔矣。又云：物格而後知至，知至而後意誠，意誠而後心正，是身脩之功，以物格爲始，心正爲成。此學者之所疑也。乃大學固云：在止於至善而章句云：知止爲始，四者一之未盡，不可謂至善學焉，而偏有主，不可謂知止，故於此云：大小相資，首尾相應，其義著矣。夫四者於入德之始，求備而不偏，固學者之所難，而夫子已曰：先難。孟子已曰：大匠不爲拙工，改廢繩墨，羿不爲拙射，變其殼，率未有恤其難，而故爲之偏致者也。學者所宜盡心盡此之謂也。然則學之固無其序乎？非無序也。四者自各以漸而進，而非急其一而姑置其三也。

是故居上不驕，爲下不倍，國有道其言足以興，國無道其默足以容。詩曰：既明且哲，以保其身。其此之謂與。

與以諸反

注興謂興起在位也詩大雅烝民之篇衍此節所謂道
疑也凝者保聚於己而不輕動之意德盛待位與時而
後行也驕倍而不足與不足容則雖習於聖人之道而
涼德之躬不足以載之汲黯曰陛下內多欲而外行仁
義欲望先王之治難惟其驕也王仲淹之刪六藝王介
甫之行周官惟其倍也道不與之相保身將不保矣
右第二十七章 言人道也衍言人道者至此章而歸
於德言天道者至三十章而歸於德蓋前此諸章之歸
墟而君子之道近裏切己之實際也

子曰愚而好自用賤而好自專生乎今之世反古之道如

此者裁及其身者也

好呼報反

注以上孔子之言子思引之反復也

非天子不議禮不制度不考文

注此以下子思之言禮親疏貴賤相接之體也度品制
文書名

今天下車同軌書同文行同倫

注今子思自謂當時也軌轍迹之度倫次序之體三者
皆同言天下一統也

雖有其位苟無其德不敢作禮樂焉雖有其德苟無其位
亦不敢作禮樂焉

注鄭氏曰言作禮樂者必聖人在天子之位

子曰吾說夏禮杞不足徵也吾學殷禮有宋存焉吾學周禮今用之吾從周

注此又引孔子之言杞夏之後徵證也宋殷之後三代之禮孔子皆嘗學之而能言其意但夏禮既不可考證殷禮雖存又非當世之法惟周禮乃時王之制今日所用孔子既不得位則從周而已

右第二十八章 承上章爲下不倍而言亦人道也注聖人備百王之道而必守爲下之義以從時於此而可見疑道者之氣象亦可以知至德之藏矣

王天下有三重焉其寡過矣乎

王于放反

注呂氏曰三重謂議禮制度考文惟天子得以行之則國不異政家不殊俗而人得寡過矣

上焉者雖善無徵無徵不信不信民弗從下焉者雖善不尊不尊不信不信民弗從

注上焉者謂時王以前如夏商之禮雖善而皆不可考下焉者謂聖人在下如孔子雖善於禮而不在尊位也故君子之道本諸身徵諸庶民考諸三王而不謬建諸天地而不悖質諸鬼神而無疑百世以俟聖人而不惑

注此君子指王天下者而言其道卽議禮制度考文之

事也本諸身有其德也徵諸庶民驗其所信從也建立也立於此而參於彼也天地者道也鬼神者造化之迹也循理一而所指殊故言各有端於此不得云二氣之良能而用程子之說蓋以其撰言也注百世以俟聖人而不惑所謂聖人復起不易吾言者也

質諸鬼神而無疑知天也百世以俟聖人而不惑知人也注知天知人知其理也

是故君子動而世爲天下道行而世爲天下法言而世爲天下則遠之則有望近之則不厭

注動兼言行而言道兼法則而言法法度也則準則也詩曰在彼無惡在此無射庶幾夙夜以永終譽君子未有不如此而蚤有譽於天下者也

注詩周頌振鷺之篇射厭也所謂此者指本諸身以下六事而言

右第二十九章 承上章居上不驕而言亦人道也注有其德有其位可以行矣而必謹之言行動慎之夙夜以先自治而後治人所以爲不驕而凝道也魯兩生日禮樂必百年而後興深於言凝道者與

仲尼祖述堯舜憲章文武上律天時下襲水土

注祖述者遠宗其道憲章者近守其法律天時者法其

自然之運襲水土者因其一定之理皆兼內外該本末而言也

辟如天地之無不持載無不覆疇辟如四時之錯行如日月之代明

辟音譬

錯猶迭也此言聖人之德**德**如天地故無不覆載如四時故錯行而相成如日月故代明而不匱廣大神化德至則自然若以此爲道將有荒遠亡實權術雜用之憂學者不可不察

萬物並育而不相害道並行而不相悖小德川流大德敦化此天地之所以爲大也

禮記章句卷三十一

五五

悖猶背也天覆地載萬物並育於其閒而不相害四時日月錯行代明而不相悖所以不害不悖者小德之川流所以並育並行者大德之敦化小德者全體之分大德者萬殊之本川流者如川之流脈絡分明而往不息也敦化者敦厚其化根本盛大而出無窮也此言天地之道以見上文取譬之意也**循**盡精微道中庸則可以致川流之盛矣極高明致廣大則可以厚敦化之藏矣此章本言聖德之合天而君子作聖之功自此可推也

右第三十章 言天道也

唯天下至聖爲能聰明睿知足以有臨也寬裕溫柔足以有容也發強剛毅足以有執也齊莊中正足以有敬也文理密察足以有別也

知珍義反齊側皆反別彼列反

通聰明睿知生知之質臨謂居上而臨下也其下四者

乃仁義禮智之德**術**德者性之撰誠之實也待事而德

顯仁義禮智之名乃立焉而此諸德者靜不昧而動資之用具諸性而生於心者也故能知發強剛毅爲義之

德則知義之非外矣能知齊莊中正爲禮之德則知禮之非後起矣故喜怒哀樂未發之時仁義禮智無象可

見無功可名而此諸德者並育並行於中昭澈具在所

禮記章句卷二十一

五十六

謂活潑潑地者也**注**文文章也理條理也密詳細也察

明辨也

溥博淵泉而時出之

注溥博周徧而廣闊也淵泉靜深而有本也出發見也

言五者之德充積於中而以時發見於外也

溥博如天淵泉如淵見而民莫不敬言而民莫不信行而

民莫不說

見賢遍反說弋雪反

注言其充積極其盛而發見當其可也

是以聲名洋溢乎中國施及蠻貊舟車所至人力所通天之所覆地之所載日月所照霜露所隊凡有血氣者莫不

尊親故曰配天

施羊吏反
隊直類反

注舟車所至以下蓋極言之配天言其德之所及廣大如天也

右第三十一章 承上章而言小德之川流亦天道也

唯天下至誠爲能經綸天下之大經立天下之大本知天

地之化育夫焉有所倚

夫防無反
焉於虔反

注經綸皆治絲之事經者理其緒而分之綸者比其類而合之也經常也大經者五品之人倫大本者所性之全體也惟聖人之德極誠無妄故於人倫各盡其當然之實而皆可以爲天下後世法所謂經綸之也其於所

禮記章句卷二十一

五七

性之全體無一毫人欲之僞以雜之

注但人欲卽僞

而天下之道千變萬化皆由此出所謂立之也其於天

地之化育則亦其極誠無妄者有默契焉

注語不能顯

但默契之非可言而故秘之也陰陽變合盈虛消息之

幾取之當體知其所以然而不能言其必然言其必然

而造化固有不然者先知之說所以妄也聖人之所以

必知者道之所自察裁成輔相之所自起有默契則有

默成其功大矣若無端而取天地之化強欲知之以浮

其志而恣爲汗漫則異端之誕而已

注非但聞見之知

而已此皆至誠無妄自然之功用夫豈有所倚著於物

而後能哉如三重之待時位猶有倚也人倫卽日用之理立本知化皆默成之功誠至而自與天地合其德矣

肫肫其仁淵淵其淵浩浩其天

淵肫肫懇至貌以經綸而言也淵淵靜深貌以立本而言也浩浩廣大貌以知化而言也其淵其天則非特如之而已
仁者天地生物之心淵者天地不已之藏天地神變之用天卽其主宰以爲流行流行降命而爲人之性則性之與命命之與天有先後大小之別而其實一也盡其理之至則通復而合於主宰故不但如之而已

禮記章句卷三十一

五

苟不固聰明聖知達天德者其孰能知之

聖知之知珍義反

固固猶實也鄭氏曰惟聖人能知聖人也
有有其德乃

能知其德

右第三十二章 承上章而言大德之敦化亦天道也

前章言至聖之德此章言至誠之道然至誠之道非至聖不能知至聖之德非至誠不能爲則亦非二物矣此章言聖人天道之極致至此而無以加矣

詩曰衣錦尙絅惡其文之著也故君子之道闇然而日章小人之道的然而日亡君子之道淡而不厭簡而文溫而

理知遠之近知風之自知微之顯可與入德矣

衣於既反惡鳥路反

同下

冠前章言聖人之德極其盛矣此復自下學立心之始言之而下文又推之以至其極也詩國風衛碩人鄭之丰皆作衣錦褻衣褻綱同禪衣也尙加也古之學者爲己故其立心如此尙綱故闇然衣錦故有日章之實**節**日章之實篤實光輝道皆備矣無其錦而以文爲惡異端之所以賊道君子弗爲也靜而天理存焉動而節文具焉無非章也小人而無忌憚者見爲闇然而己矣有其實而日章誠之不可揜也**節**淡簡溫綱之襲於外也不厭而文且理焉錦之美在中也小人反是則暴於外而無實以繼之是以的然而日亡也遠之近見於彼者由於此也風之自著乎外者本乎內也微之顯有諸內者形諸外也有爲己之心而又知此三者則知所謹而可入德矣故下文引詩言謹獨之事

詩云潛雖伏矣亦孔之昭故君子內省不疚無惡於志君子之所不可及者其唯人之所不見乎

節詩小雅正月之篇承上文言莫見乎隱莫顯乎微也疚病也無惡於志猶言無媿於心**節**志者素所欲正之

心心欲正而意不誠以欺其心則心惡其意矣故於此

而知大學之言心程子之言持其志皆以靜所存者言之非異端之以覺了能知者爲心也

事也

詩云相在爾室尙不愧于屋漏故君子不動而敬不言而

信相息亮反

注詩大雅抑之篇相視也屋漏室西北隅也承上文又

言君子之戒謹恐懼無時不然不待言動而後敬信則

爲己之功益加密矣故下文引詩并言其效

補功之密至此而無可加矣下文皆其效爾篤恭而天下平以此

不息之敬信臨之而已矣密者無閒之謂立則見其參

於前在輿則見其倚於衡是之謂益密據於德則不動

而敬恆於理則不言而信釋其心而使有間斷斯不動

無敬不言無信矣不動不言靜存有主聖功之極致也

敬信之外而別求無言不顯之道則索隱行怪終亦的

然而日亡矣

詩曰奏假無言時靡有爭是故君子不賞而民勸不怒而

民威於鈇鉞假古伯反

注詩商頌烈祖之篇奏進也承上文而遂及其效言進

而感格於神明之際極其誠敬無有言說而人自化之

也威畏也鈇莖斫刀也鉞斧也

詩曰不顯惟德百辟其刑之是故君子篤恭而天下平辟

益反

注詩周頌烈文之篇不顯說見二十六章此借引以爲幽深元遠之意承上文言天子有不顯之德而諸侯法之則其德愈深而效愈遠矣篤厚也篤恭言不顯其敬也而於不言不動之際其敬無閒不待顯而始敬也注篤恭而天下平乃聖人至德淵微自然之應中庸之極功也

詩曰予懷明德不大聲以色子曰聲色之於以化民末也詩云德輶如毛毛猶有倫上天之載無聲無臭至矣

禮記章句卷三十一

十一

注詩大雅皇矣之篇引之以明上文所謂不顯之德者正以其不大聲與色也又引孔子之言以爲聲色乃化民之末務今但言不大之而已則猶有聲色者存是未足以形容不顯之妙不若烝民之詩所言德輶如毛則庶乎可以形容矣而又自以爲謂之毛則猶有可比者是亦未盡其妙不若文王之詩所言上天之載無聲無臭然後乃爲不顯之至爾蓋聲臭有氣無形在物最爲微妙而猶曰無之故惟此可以形容不顯篤恭之妙非此德之外又別有是三等然後爲至也而無聲無臭之

中有載焉天之所以爲天也川流之小德敦化之大德

澈於無聲無臭之中而無聞也無聲無臭而載存焉斯
以爲至矣非以無聲無臭爲載而可謂之至也嗚呼世
教衰邪說興而無聲無臭爲載之害烈矣嘗試嗒然而
居積然而休息之微殆至於無息念之生乃幾於無生
於斯時也吾之與天地萬物相酬酢者不得其端而皆
爲瓦合矣則天地萬物之森然者不得其端而幾疑爲
吾之妄見矣則吾之視聽言動歛然而興罄然而止者
亦莫得其端而幾疑爲氣機之驅使矣至於此而蔑以
加矣至矣故爲佛老之說者自謂其至而無可復尙也
於是儒之駁者竊其說而文之以爲無善無惡之體徧
乎心意知而恆一者亦謂其至而無可復尙也此以爲
至則頑石至也浮雲至也疲牛之休於蔭奔馬之息於
樾至也道殣之委於塗殪獸之靡於邱至也紂酣於酒
池之旁跖寢於旣旦之後至也於是知其窮而又爲之
說曰吾將以是應天下感而應如而施而無不各得則
無不至矣然而不得其理者不可勝計也蓋其欲不以
成心爲師而師其所自感則亦師耳之聽目之視而已
矣耳目者小體也嗜欲之役而聲色之黨也繇是而狂
蕩滅裂之行倡天下乃疾叛其君親而偷以自使此邪
說誠行生心害政之本原惟無之一言以爲其藏可勿

懼哉

右第三十三章子思因前章極致之言反求其本復自下學爲己謹獨之事推而言之以馴致乎篤恭而天下平之盛又贊其妙至於無聲無臭而後已焉蓋舉一篇之要而約言之其反覆丁寧示人之意至深切矣學者其可不盡心乎

衡陽王夫之撰

表記

表者植木爲標以測高下淺深之度者也凡爲坊者必先立表以爲之則表雖無與於坊而爲坊之所自出是坊末而表本也以禮坊民猶踰之旣不可以坊爲無益而廢之亦不可更峻其坊而束民以不堪則惟反躬自治以正其表斯正己之盡而物可得而正矣故三代以禮坊民而踰之也牽在末君失德之世則知表之爲重而亦不可咎坊之徒勞矣二篇皆游夏之徒引所傳聞夫子之言以發端而雜引詩書以證之其辭悉得之口授斷章隳括文或不純要爲修己治人之顯道不可以辭害之也凡五十一章

子言之歸乎君子隱而顯不矜而莊不厲而威不言而信稱子言之者挈其大綱謂聖人之言如此而凡所引伸皆斯言之義也隱顯以出處言矜以莊示人厲以威加物也夫子周流而道不行乃反而信其自得之理不必施之政教而但盡其躬行之實自彊不息合於天德時行物生之妙默成於己而天下萬世之興起變化皆自此出所謂不疾而速不行而至也

右第一章 此章言修身存誠之德爲表正萬物之本
其下八章雜引孔子之言以申此章之意

子曰君子不失足於人不失色於人不失口於人

以上孔子之言不失者人不得而摘其過也足進退之
節也口言也君子之言貌非徒欲示人以無失而純於
敬者自無過之可議也

是故君子貌足畏也色足懾也言足信也

貌身容色面容敬盡於己則人自敬信之

甫刑曰敬忌而罔有擇言在躬

甫書作呂甫國也呂姓也忌懾也懾人之見譏罔有擇

禮記章句卷三十二

言者言皆中理人不能揀擇其得失也在躬猶居身

右第二章

子曰褻襲之不相因也欲民之母相瀆也

一事而各有節或褻或襲不偷循其便而必中於禮民
不得而褻之矣言君子之於敬無斯須之或亂也

右第三章

子曰祭極敬不繼之以樂朝極辨不繼之以倦樂盧各反朝直遙反

極盡也繼終也辨治也祭雖獻酬交錯而意不在歡朝
廷之事雖煩勞而威儀必整皆篤敬以厚其終也

右第四章

子曰君子慎以辟禍篤以不揜恭以遠恥

辟毗義反
遠于願反

揜蓋覆也立志敦篤所行皆實直行而無蓋覆以辟譏非也君子於禍患毀謗恥辱之至無規避之術惟盡其誠敬而已蓋處變而惟不失其敬也

右第五章

子曰君子莊敬日強安肆日偷君子不以一日使其躬儻焉如不終日

儻弱貌如不終日如不能待一日之終也莊敬則志嚴志嚴攝氣氣以充體斯日強矣安肆而偷則耳目墮筋骸弛終日之間如無所措手足而慊慊以待盡故敬者

禮記章句卷三十二

三

王者以之祈天永命君子以之修身立命學者能體驗而有得焉則近世儒者竊道士胎息之說以言學其陋見矣

右第六章

子曰齊戒以事鬼神擇日月以見君恐民之不敬也

齊側皆反

見賢
遍反

擇日月者初委贄見君筮吉日也二者皆先事爲期豫戒以蓄敬而專致之一日也

右第七章

子曰狎侮死焉而不畏也

下習玩之則雖殺人立威而人亦不畏之言御下之必以敬也

右第八章

子曰無辭不相接也無禮不相見也欲民之毋相褻也

此一節孔子之言辭主人請事而客荅也接謂擯介相傳禮客執贄主人拜辱也君子盡禮以相敬於上民乃尊嚴而不敢玩

易曰初筮告再三瀆瀆則不告

告如字古沃反三蘇暫反

瀆則接神不以禮而神厭之言神人一理不可不敬也

右第九章 凡上八章皆言君子立敬之道以申首章

禮記章句卷二十二

四

之義而爲一篇之綱領傳曰敬者德之興也存敬以立本則涵德於中而仁義忠信之大用逢原而日生君子建極以爲民表之道備矣周子曰聖王以敬爲修身立政之本此之謂也

子言之仁者天下之表也義者天下之制也報者天下之利也

表者物所望而歸之之謂利謂交相勸以趨於善也宜民之道必體民情故仁以緩之義以裁之而尤敦報施之義以達人情而使獲爲善之利斯王道之所以易從而教無不行也

右第十章 前九章既言坊民之本立敬以作則此又
言施於民者必盡其理而達其情而後教化可行蓋前
以君德言而此以君道言其下四章皆以申明此章之
意

子曰以德報德則民有所勸以怨報怨則民有所懲

此一節孔子之言以怨報怨如其怨而報之卽所謂直
也君子之於怨審其可怨不可怨而已矣義之所得怨
者而矯情以忘之斯匿怨之所以可恥也

詩曰無言不讎無德不報

讎荅也此雖人情之常而亦理之所不爽君子不拂人

禮記章句卷三十二

五

情而順行之所以維禮教之窮而使自勸懲也

大甲曰民非后無能胥以寧后非民無以辟四方

大他蓋反

辟爲之君也上之惠下下之奉上仁義之理也而報施
之道存焉則報爲天下之利益可見矣

子曰以德報怨則寬身之仁也以怨報德則刑戮之民也

仁當從鄭氏作民寬身謂安身求容刑戮謂眾叛親離
而陷刑戮也二者雖有過不及之分要皆不酌報施之
宜而悖人情以遏天下之利也

右第十一章

子曰無欲而好仁者無畏而惡不仁者天下一人而已矣

是故君子議道自己而置法以民好呼報反 惡烏路反

天下一人惟體仁之君子能之非民所及也承上章而言報以順民情而利勸懲之用君子通愚賤之志以置法不以己之不望報而欲施仁者槩如之則亦義之所宜而廣興仁之效也

右第十二章

子曰仁有三

安仁利仁強仁也

與仁同功而異情與仁同功其仁未可知也與仁同過然後其仁可知也

禮記章句卷三十二

六

強仁者時與仁者同功而情繫利害則與仁者無欲無畏之情異矣安仁利仁者雖以仁得過而不辭故過而與仁者同然後信其仁也

仁者安仁知者利仁畏罪者強仁知珍義反 強其兩反

安仁者知仁為性之德而恆存無逆也利仁者歆仁道之美而順行之也強仁者心非其所悅而矯情以從厚也

右第十三章 此章引孔子之言以申上章天下一人

之意言君子議道自己必安利於仁而雖過不辭若其置法以治民則俾其畏罪強仁而亦與仁同功矣此所

以通報施而利勸懲也

仁者右也道者左也仁者人也道者義也

仁者愛之施道者貴人以所當盡者也右順而利之也左屈而成之也仁者體人之情而因民以置法民之所順也道者議之自己以裁物而匡其不義民之所難也厚於仁者薄於義親而不尊厚於義者薄於仁尊而不親厚薄猶言過不及也仁義並行則尊親兼得矣

道有至句義有考至道以王義道以霸考道以為無失舊說

道有至下闕一有字今從本文王于放反

道以制天下義之事也然義之至者仁亦至焉則順民

禮記章句卷三十一

七

之情而法在其中斯仁義兼至矣如報施順情而勸懲寓焉是已若道壹於義則名為義而不得為道之至矣既專於義則有率義而行者亦有不能喻義而依仿考據以立法者道愈降矣王者以仁行義並行不悖霸者聲義正物以義為道而已其下者考於義以為道幾以寡過而過卒不可免故防民而民猶踰之也

右第十四章

子言之仁有數義有長短小大中心慍怛愛人之仁也率法而強之資仁者也強其兩反

此一節孔子之言慍隱痛怛驚悼資借也仁義之施所

及各有量惟根心以出則立之有原行之委曲詳盡斯所及者廣而可久若資成法勉強而率循之則不能遠及矣

詩云豐水有芑武王豈不仕詒厥孫謀以燕翼子武王烝

哉數世之仁也

翼羊吏反俗本無武王烝哉句

豐水在今陝西渭南縣芑枸杞仕事也言武王勤於立國安民之事也燕安也翼覆也烝君也言得君天下之道也武王中心仁愛故澤及後世也

國風曰我今不閱皇恤我後終身之仁也

國風邶風今詩作躬閱顧也皇暇也勉強資仁則終身

爲慮而況及後世乎

禮記章句卷二十二

八

右第十五章 此章承第十章仁者天下之表而言其下四章皆以申明此章之意章首兼言義之長短大小則又以起第二十章以下之意讀者參觀之而此篇之脈絡貫通者可知矣

子曰仁之爲器重其爲道遠舉者莫能勝也行者莫能致也取數多者仁也夫勉於仁者不亦難乎

勝書蒸反夫防無反

此一節孔子之言仁以函載萬物而無有閒斷統四端兼萬善是以難也

是故君子以義度人則難爲人以人望人則賢者可知已

矣

度徒落反以人之人蓋仁字之誤

度較量也望猶觀也義有成制考道者可以不失難爲人言難於知人也仁則必根心之慤怛以立愛而後可以任重而行遠若但率法以施惠則雖勉爲之而終有莫能勝莫能致者以此觀人而賢者乃見也

右第十六章 上章以仁義並言而此章之詞有抑揚者蓋仁者君道之極而爲天下之表義則猶近乎坊之事也

子曰中心安仁者天下一人而已矣

此一節孔子之言安仁則私欲淨盡天理流行中心慤

禮記章句卷二十二

九

但自行乎其所不容已聖人仁覆天下之本也

大雅曰德輶如毛民鮮克舉之我儀圖之唯仲山甫舉之

愛莫助之

鮮息淺反

輶輕也儀想像也圖思維也愛謂愛之者仁含於性之德而不倚於物故言其輕猶書言道心惟微也舉是德者一繇其中心之安故雖有愛之者莫能相助也

小雅曰高山仰止景行行止子曰詩之好仁如此鄉道而

行中道而廢

好呼報反鄉許亮反

景行大路也如此謂僅能如此也夫子論詩而言以仁爲高山景行而仰且行之亦可謂好仁矣然非其中心

之安則高不易登遠不易至中道而必廢此資仁者之不能至於仁也

忘身之老也不知年數之不足也俛焉日有孳孳斃而後已

記者引夫子之言而伸之以爲苟能如此則雖勉仁之事亦可馴至乎安所謂力行近乎仁也

右第十七章

子曰仁之難成久矣人人失其所好故仁者之過易辭也

好呼
報反

所好謂可好者孟子所謂民之秉夷也仁難成而人不

禮記章句卷三十二

十

能成故所行皆拂乎人心而無往非過苟能自勉於仁則雖有過而非天下之公惡易於免矣

子曰恭近禮儉近仁信近情敬讓以行此雖有過其不甚矣

此一節又孔子之言儉節制也不侈欲而放其心近於仁矣情實也禮者仁之用情者仁之體行此三者而尤以敬讓將之或有時施非所當而成乎過恭過儉過信亦不大違於道此所以其過易辭也

夫恭寡過情可信儉易容也以此失之者不亦鮮乎

夫防
無反

鮮息
淺反

過謂失人情也情可信者信近情而人亦可信諒之也
易容謂不爲物所忌釋夫子之言而明其有過之易免
也

詩云溫溫恭人惟德之基

溫溫敬讓之容能恭則行自有節而無所欺僞則又儉
與信之基也凡此皆勉仁之事雖未至於安仁而固可
以寡過志於仁者所以忘年而日孳孳也

右第十八章

子曰仁之難成久矣唯君子能之

此一節孔子之言

禮記章句卷三十二

十一

是故君子不以其所能者病人不以其之所不能者愧人
是故聖人之制行也不制以己使民有所勸勉愧恥以行

其言

制行之行
胡孟反

病迫責之使行也制行制民之行言教令也仁難成故
不以急責之民惟君子能之則不可不自盡於己故制
民之行不期其卽仁而特敦仁於躬任重致遠使民見
上之所爲根心達外因以感發興起恥爲不仁則教令
大行而坊不踰矣

禮以節之信以結之容貌以文之衣服以移之朋友以極
之欲民之有壹也

容貌儀度也文飾也移者易其耳目肢體之觀以變其
淫陋也極聚也如屋之聚於棟也壹純也身心內外無
非善道以爲之涵養而無雜也君子仁成於己而推致
仁道之用以薰陶涵泳其民則雖不急責以心德之事
而默移潛化必世之仁自此而臻矣

小雅曰不愧于人 不畏于天 是故君子服其服則文以君
子之容有其容則文以君子之辭 遂其辭則實以君子之
德 是故君子恥服其服而無其容 恥有其容而無其辭 恥
有其辭而無其德 恥有其德而無其行 是故君子衰絰則
有哀色 端冕則有敬色 甲冑則有不可辱之色 詩云維鵜

禮記章句卷三十二

三

在梁不濡其翼 彼記之子不稱其服

行胡孟反 衰倉
回反 稱昌孕反

遂成也 端冕賓祭之服 鵜鵜鳥食魚 梁魚 梓鵜 貪魚
雖不濡翼 不可以爲潔也 記詩作其指辭也 此言人君
能動民愧恥之心 則卽其衣服言動之間 皆有以反躬
自省而遠於不仁 而可進於君子之道矣 然必躬行於
上者 根心仁愛而德孚於下 乃足以入之深而感之至
不然 則雖衣服容止辭令授之以制而民之不稱者多
矣 此維鵜之詩所以刺也

右第十九章

子言之 君子之所謂義者 貴賤皆有事於天下 天子親耕

棗盛拒鬯以事上帝故諸侯勤以輔事於天子

盛是征反

義之體敬也其用宜也盡其職分之所當爲以敬其所尊乃所以爲天下之制也人君以義制天下必先自修其義於上故天子諸侯各盡敬於所尊以爲民極而非徒立法制以防民也

右第二十章 此章承第十章義者天下之制而言其下二章皆以申明此章之意

子曰下之事上也雖有庇民之大德不敢有君民之心仁之厚也

此一節孔子之言仁之用愛故爲君道義之體敬故爲

禮記章句卷二十二

三

臣道仁之厚者謂愛君之至也

是故君子恭儉以求役仁信讓以求役禮

役爲也信讓誠乎讓也恭儉信讓皆義之事義以爲質而仁禮行矣

不自尙其事不自尊其身儉於位而寡於欲

尙猶先也不自尙其事先公而後私也儉於位辭尊而就卑也此恭儉之德也

讓於賢卑己而尊人小心而畏義

此信讓之德也

求以事君得之自是不得自是以聽天命

求自求也言但求盡其事君之道而無求也自繇也是也謂此恭儉信讓之道窮通一致無所改易而得失皆安於命惟其義而已

詩云莫莫葛藟施于條枚凱弟君子求福不回其舜禹文

王周公之謂與有君民之大德有事君之小心施羊吏反弟特計反

與以諸反

莫莫茂密貌條枝枚幹也回邪也葛藟緣木而木無望緣之心福自集於君子而君子無貪福之志舜禹終受禪讓文王周公之老於臣服其心一也

詩云惟此文王小心翼翼昭事上帝聿懷多福厥德不回

以受方國

禮記章句卷三十二

西

翼翼敬也昭事者心迹昭著可對於天無微福之志也聿語辭懷者上帝所眷也帝命已集而文王終無欲得之志三分有二率以事殷文王所以厚其仁而盡其義也

右第二十一章

子曰先王諡以尊名節以壹惠恥名之浮於行也

行胡孟反

此一節孔子之言尊崇也節謂節取之壹與一通惠善

也浮過也諡雖以崇獎榮名而卽有眾善節取其一行

之大者不爲繁稱蓋欲使行有餘而名不足也死而尊

之者且然則生而不敢獵譽益可知也

是故君子不自大其事不自尙其功以求處情過行弗率以求處厚彰人之善而美人之功以求下賢是故君子雖自卑而民敬尊之

行胡孟反
下胡駕反

情實也過行過高絕俗之行率循也爲也處厚者不欲以己之高形人之短美贊美之也凡此皆信讓之德

右第二十二章

子曰后稷天下之爲烈也豈一手一足哉唯欲行之浮於名也故自謂使人

行胡孟反

烈功烈也使人謂習熟便爲之詩所謂誕實匍匐以就

禮記章句卷三十二

五

口實也后稷之德言德行見於虞書則所以贊襄舜禹化成天下者豈僅勤手足以躬稼哉乃欲致實行而不居盛美故自謂爲便習稼穡之人而典樹藝之教以居一官此則恭儉信讓而爲義之至也

右第二十三章

子言之君子之所謂仁者其難乎詩云凱弟君子民之父母凱以強教之弟以說安之樂而毋荒有禮而親威莊而安孝慈而敬使民有父之尊有母之親如此而后可以爲民父母矣非至德其孰能如此乎

弟特許反強如字舊音其兩反者非說弋雪反

此一節孔子之言強教剛克之意毋荒有禮莊敬強教

之效也樂親孝慈說安之效也奉其教則父道也蒙其安則母道也君道以仁爲主而仁之至者義必盡焉並行不悖而經緯咸宜矣至德卽第十四章至道之意

今父之親子也親賢而下無能母之親子也賢則親之無能則憐之母親而不尊父尊而不親水之於民也親而不尊火尊而不親土之於民也親而不尊天尊而不親命之於民也親而不尊鬼尊而不親

下抑也水爲功於人而可狎母道也火明照萬物而不可近父道也土利萬有而人踐之母道也天覆物而與人遠父道也尊親之道並至爲難父母水火天地不能

兼備惟王者愛敬合德因時而利導之體生成化育之理發政施令以悅安之尊鬼施敬以強教之仁義並行迭相主輔而其末流所趨猶不能無偏如下章所云者宜君子之於仁難言之也

右第二十四章 前章以上旣分言君臣仁義之道此章因君道之仁而廣言之推質文之同異以明仁義合而仁斯至乃能盡君道而爲天下之表其下五章雜引孔子之言以申此章之意

子曰夏道尊命事鬼敬神而遠之近人而忠焉先祿而後威先賞而後罰親而不尊其民之敝蠢而愚喬而野朴而

不文

遠于願反近其謹反喬舉矯反

尊命勤民事也鬼者神之魄神者鬼之靈祭祀之事盡人道以事鬼至於靈爽之降吉凶者則遠之不用之以立教也近人達人情也忠盡愛也常頌曰祿特賜曰賞責怒曰威刑贖曰罰蓋仁先而義後也民之敝謂政教衰失之後蠢慝也喬傲也朴質也勤人事而不恤敬忌故其敝如此

殷人尊神率民以事神先鬼而後禮先罰而後賞尊而不親其民之敝蕩而不靜勝而無恥

事鬼者邀其已往而致其愛敬事神者迎其方來而尊

禮記章句卷三十二

七

其嚮威率民事神所以尊而不親也禮謂人相接之禮蕩者宗無而流不靜多懼而不甯也勝猶競也尙刑罰則民競於爭無恥刑罰不能格心也

周人尊禮尙施事鬼敬神而遠之近人而忠焉其賞罰用爵列親而不尊其民之敝利而巧文而不慙賊而蔽

尙施卽第十章之所謂報仁之尤近人情者也賞罰用爵列者賞先於親與貴而罰則議減也利便利謂嫻習儀節巧飾也文而不慙情不稱文行之無慙也賊害也刑賞厚於親貴人生伎害也蔽欺蔽不畏刑罰故相欺蔽也三代王者備至德於躬推行立法仁義質文初無

偏用但以因時制宜微示先後而後世德衰成法存而失其精意則其弊必至於此蓋大道含宏而理致微妙低昂之間稍有所移則勢必旁趨而背其相通之妙此舜所以極言道心之微非精一不能執中而上章以君子之仁爲難皆此理也

右第二十五章

子曰夏道未瀆辭不求備不大望於民民未厭其親般人未瀆禮而求備於民周人強民未瀆神而賞爵刑罰窮矣

強其兩反

瀆用之頻而藝也辭命令也夏道尊命政令一成而不

數爲更易故政簡而無過求於民雖親過於尊而民猶不厭般人後禮其禮不煩而政令頻數責民嚴重則雖尊之而實厭矣周禮繁重有非民所任而強之者特其敬神而遠之猶未瀆也乃強民而民不能率則賞罰頻用而窮矣仁義本無偏勝之弊因頻用而失之二代懲前事之弊而不瀆於彼者且窮於此所以屢降愈下蓋矯枉過直其勢然也

右第二十六章

子曰虞夏之道寡怨於民殷周之道不勝其敝

勝書丞反

瀆則敝敝則民歸咎於法之不善而怨繇之以生矣

右第二十七章

子曰虞夏之質殷周之文至矣虞夏之文不勝其質殷周之質不勝其文

勝書 烝反

先王創制顯庸皆仁至義盡而酌乎時之宜或質或文於道俱至而法制已立後人承之能用其數而不能體其德故崇質者文不能副尚文者質不能充則成乎偏敝矣然文不勝質質有餘而文無難於繼起質不勝文則文具而質偽矣此夫子抑揚之旨也夏尚忠殷尚質周尚文而此云夏質而殷文者蓋忠非無質之忠而特其質未備殷人制度文為皆已備盡周人非有增益而殷人崇用周人崇飾所以自周言之則殷為質自虞夏言之則殷為文也

右第二十八章

子言之曰後世雖有作者虞帝弗可及也已矣

言之二字衍文

作者謂三王也此一節孔子之言而下則記者推其弗可及之實也

君天下生無私死不厚其子子民如父母有憐怛之愛有忠利之教親而尊安而敬威而愛富而有禮惠而能散利順也忠利謂盡於己而順於民安不擾也敬不瀆也富有天下而能以禮制之也惠而能散惠不偏也帝舜

之德大公無私故仁義之發皆根所性之實斯以尊親道合而爲德之至也

其君子尊仁畏義恥費輕實

恥費輕實上闕其小人三字

費奢也實利也恥費輕實則儉以寡過而非吝於利也帝舜大公至正之德施於教愛而臣民化之也

忠而不犯義而順

忠盡愛敬之實以事上也義以制自裁而不踰節也此化之行於小人者也

文而靜寬而有辨

文而靜則有禮而不煩寬而有辨則相親而不瀆此化

禮記章句卷三十二

三

之行於君子者也惟舜之德教以至仁留大義故其化如此

甫刑曰德威惟威德明惟明非虞帝其孰能如此乎

德至而教自行仁所以爲天下之表也

右第二十九章

子言之事君先資其言拜自獻其身以成其信是故君有責於其臣臣有死於其言故其受祿不誣其受罪益寡

資其言者自陳其所能爲以爲受祿之資也拜進見於君也獻其身致其身也成其信踐其所陳也君因其所陳而責之則非強其所不能而受罪益寡臣必踐其言

不足則以死繼之則受祿於君非誣矣君子之所以立身事君者忠信而已忠以事君而必敦其信信以交友而必本於忠皆所以實盡其義也

右第三十章 此章因臣道之義而極言以發明忠信之理義者忠信之則忠信所以盡義也蓋居上而立表以正民乃君與大臣之事故道異而先於正己則一也其下十六章雜引孔子之言皆以申明此章之意

子曰事君大言入則望大利小言入則望小利故君子不以小言受大祿不以大言受小祿

此一節孔子之言大言陳國家之大道小言一官一職

之議也利謂行之而利於國也小言所望於見功者小不敢受大祿而曠其大大言所望者大苟受小祿則志道不行而徒爲枉己爾

易曰不家食吉

祿如其望則出必有功而吉矣

右第三十一章

子曰事君不下達不尙辭非其人弗自

此一節孔子之言下達謂君求賢之令達於下也尙進也辭先資之言也君不下達則不進言以求仕也自所繇以進也非其人謂因嬖倖以進

小雅曰靖共爾位正直是與神之聽之式穀以女共九容反女人

反渚

靖安也共敬也式用也穀善也安位無求自虔其職而不交匪人則忠直孚於鬼神而無不善矣君子之義難進易退而已難進易退則自不屑與佞倖通而所交者無非正人其迹雖若疏遠於君以自樹聲氣而實乃忠愛之至庸主不察斥為朋黨則小人得以肆其攻擊而國之敗亡必繇是而起漢唐以下二千年間覆軌相因如出一轍誦是詩者不能不為之濟然流涕也

右第三十二章

禮記章句卷三十二

三

子曰事君遠而諫則調也近而不諫則尸利也調與詔同

遠官守在外者近廷臣也調謂恐君忘己因事自達以結知也尸如祭之尸無事而坐食君之利祿也

右第三十三章

子曰邇臣守和宰正百官大臣慮四方

邇臣近侍之臣守和謂從容調和君德宰冢宰正者疏其流品審其殿最大臣六官之長慮謀也人臣各修其職而無越思忠信以事君之道也

右第三十四章

子曰事君欲諫不欲陳

欲猶當也陳謂揚君之過於外

詩云心乎愛矣瑕不謂矣中心藏之何日忘之

瑕何也謂告也愛則必忠告之不容已於諫矣然必藏之心而不暴之於外非但以爲君諱過抑其憂深思切自不欲以言語謝其責也

右第三十五章

子曰事君難進而易退則位有序易進而難退則亂也

此一節孔子之言有序無躐等也亂謂紊亂禮制

故君子三揖而進一辭而退以遠亂也

遠于願反

此卽入朝之禮言之出入升降之間而不苟進之義寓

禮記章句卷二十二

重

焉則進而受祿退而致政其爲禮義之大者愈可知矣

右第三十六章

子曰事君三違而不出竟則利祿也人雖曰不要吾弗信

也

竟居影反

違已也利祿利其祿也要干求也

右第三十七章

子曰事君慎始而敬終

慎始不輕進也敬終雖不見用必盡臣禮而去也

右第三十八章

子曰事君可貴可賤可富可貧可生可殺而不可使爲亂

不以廢黜死亡之故而對君以從逆也

右第三十九章

子曰事君軍旅不辟難朝廷不辭賤處其位而不履其事

則亂也辟毗義反難奴案反朝直遙反

此一節孔子之言亂謂逆命干法

故君使其臣得志則慎慮而從之否則孰慮而從之終事

而退臣之厚也

得志謂己所當為與可為者慎慮不自謂能猶必加慎

也否謂強己以非所堪也孰與孰通孰慮者素非所習

尤須詳審也終事而退君不見知且畢其事不辭勞而

已義不可留也全身而不逆君命厚之至也

禮記章句卷三十二

孟

易曰不事王侯高尚其事

終事而退則可以高尚矣

右第四十章

子曰唯天子受命于天士受命于君

此一節孔子之言命貴賤生殺之制也士自諸侯達於

士也君代天而司命臣皆受焉故君尊如天不可違也

故君命順則臣有順命君命逆則臣有逆命

命之順逆惟君所制順則承之逆亦安之順逆莫非命

也

詩曰鵲之姜姜鵲之賁賁人之無良我以為君賁博

姜詩作疆賁詩作奔姜姜賁賁剛正不亂匹偶也君之

淫亂雖不如禽鳥而已為之臣則固君矣雖怨刺之徒

失其厚而已矣

右第四十一章 此上十一章皆言忠以事君之道而

以實之信亦存其閒矣

子曰君子不以辭盡人故天下有道則行有枝葉天下無

道則辭有枝葉

此一節孔子之言辭盡人者極其辭以待人也枝葉旁

博有餘之意世治俗淳則人務實而行餘於言否則言

禮記章句卷三十二

三

有餘而行不逮也

是故君子於有喪者之側不能賻焉則不問其所費於有

病者之側不能饋焉則不問其所欲有客不能館則不問

其所舍

皆不為枝葉之辭以全其忠信也

故君子之接如水小人之接如醴君子淡以成小人甘以

壞

接謂以辭色酬人也淡者眾味之所成甘則必變而壞

矣

小雅曰盜言孔甘亂是用餒

盜言讒諛賊害之言餒進也

右第四十二章

子曰君子不以口譽人則民作忠譽以諸反

好賢必以實則民相勸以敦實行矣

故君子問人之寒則衣之問人之饑則食之稱人之美則

爵之衣於既反
食祥吏反

行必踐其言也

國風曰心之憂矣於我歸說說輸內反

國風曹風說舍息也憂人之無依而令就已舍息不徒

言也

禮記章句卷三十一

美

右第四十三章

子曰口惠而實不至怨菑及其身

此一節孔子之言口惠以言許人也許而不惠君子惡

其欺詐小人望而不得皆致禍災之道也

是故君子與其有諾責也寧有已怨責側責反

責負也已拒也拒人之請而致怨過不在已諾而負之

誤人而怨深矣

國風曰言笑晏晏信誓旦旦不思其反反是不思亦已焉

哉

國風衛風晏晏和也旦旦明也反覆踐其言也已焉哉

絕之之辭

右第四十四章

子曰君子不以色親人情疏而貌親在小人則穿窬之盜也

與以諸反

君子雖所親厚莊敬愿恪不失其度若令色悅人而心不然使其爲小人則必爲穿窬以其用心之陰賊也

右第四十五章

子曰情欲信辭欲巧

巧當作考謂徵實以立言也

右第四十六章 此上五章皆言信以接眾之道而盡

禮記章句卷三十一

毛

己之忠亦存其閒蓋忠信本合以成用而爲盡義之本非是則假義制物而義非其義矣

子言之昔三代明王皆事天地之神明無非卜筮之用不敢以其私褻事上帝

此一節孔子之言卜謂卜日及牲以承祭兼言筮者小祀用筮私謂己之私意非卜筮則惟己之便而妄億神明之享不敬甚矣

是故不犯日月不違卜筮卜筮不相襲也大事有時日小事無時日有筮外事用剛日內事用柔日不違龜筮

日剛日柔日月如冬至郊之類不犯不過也因氣至之

類而求之也不違者從則祭不從則免不相襲者卜則不筮不敢瀆也大事郊禘小事羣小祀有時日以其時日卜也無時日卽卜筮以爲時日也外事天神地祇內事宗廟剛日甲丙戊庚壬柔日乙丁己辛癸不違龜筮者言雖有時日猶必卜筮若上辛不吉則用次辛也

右第四十七章 此章承第二十五章敬神事鬼之義而言君子主敬以敦行仁義用爲民表其道旣盡而王者父天母地以爲天下君大觀在上神道設教幽明之治初無二理故殷人尊神以爲道雖過則偏而實爲本天治人者之所不可廢故就祭祀卜筮以明之其立言

禮記章句卷三十二

三

之旨雖若視以上諸章之義爲緩而明之禮樂幽之鬼神本爲一致乃盡性致命承天子民之至德非末世妖妄術數之可與誠不可以爲迂而置之也其下四章雜引孔子之言皆以申明此章之意

子曰牲牷禮樂齊盛是以無害乎鬼神無怨乎百姓

齊卽夷反

盛是征反

害違也此章蓋有闕文謂備物盡敬動不違時而神人咸宜也陳氏合前章第二節以曲爲之說於義未通

右第四十八章

子曰后稷之事易富也其辭恭其欲儉其祿及子孫

此一節孔子之言事祀事富備也君耕藉養牲夫人親桑誠盡於己而不求多於臣民故易備也辭祝辭恭不侈備物也欲儉者無徼福之心也祿猶福也及子孫者所謂子孫勿替引之也蓋后稷立國之始其制如此而周人世遵用之也

詩曰后稷兆祀庶無罪悔以迄于今

兆詩作肇始也庶無愼言之之辭迄于今謂至今因之此周道尊神而事之不敢以私褻也

右第四十九章

子曰大人之器威敬

禮記章句卷三十二

无

此一節孔子之言大人居大位者器所守以交於神明者如元龜泰著祭器之類威與畏通威敬尊重之不曠用也

天子無筮

龜惟神謀而筮參人謀故春秋傳曰筮短龜長天子有事則卜而不筮

諸侯有守筮

在國曰守諸侯大事卜小事筮兼用其短者於器爲輕矣

天子道以筮

道在塗也以用也天子守龜不出在道惟用筮

諸侯非其國不以筮

守筮藏之大廟視天子之守龜不以出疆在道不筮

卜宅寢室天子不卜處大廟

大他蓋反

宅居也寢室內寢改作移居則卜之處大廟者賓祭大事處之不卜而行也凡此皆威敬而不黷也

右第五十章

子曰君子敬則用祭器是以不廢日月不違龜筮以敬事

其君長

是以二字衍文長丁丈反

此一節孔子之言敬所敬也謂饗大賓及冠禮祭器尊

禮記章句卷三十二

三

彝俎豆之屬不廢日月始見君必擇日也不違龜筮卜

筮吉而後仕也長謂家臣於大夫日月龜筮祭則用之

出事君長等之於事鬼神所以為敬二者皆通敬神之道

道以敬人也

是以上不瀆於民下不褻於上

尊所事而敬之如神則示民以不可瀆而民莫敢不敬

矣

右第五十一章

禮記章句卷三十二終

